

REV.<sup>MI</sup> PATRIS MAGISTRI

F. M. LEONI

ORDINIS MIN. CON. THEOLOGI

NEC NON

In Patavina Accademia Pubb.  
Metaph. Profefs.

EPISTOLÆ DUM

Quarum

*Altera est de Pentateuchon  
divinitus dato*


*Altera de usu rationis  
in Theologia.*



MACERATÆ MDCCXXXVI.

---

Typis Hæredum Pannelli Imprefs. S. Officij  
*Superiorum Permissu,*



*Illmo ac Rmo Viro*

**D. ALEXANDRO**

**FAROLDO ALBERONO**

F. F. A. Gervafius Min. D. Fran. Con.  
Theologus.



*Ue expertus sum, quotidiana  
fere consuetudine, ab ingenio  
tuo, bonarum Artium, scien-  
tiarumque lumina, quæque pu-  
blica dedisti, quum primum ex  
pueris excesseris, eruditionis, atque solertiae ar-  
gumenta; tum etiam quæ, cum adoleveris,  
in agendis negociis, procurandisque deman-  
datae tibi Provinciæ bonis, documenta, qui-  
bus Patruï exempla imitatus es tui, Cardi-  
nalis omni ex parte Eminentissimi: ea in-  
quam, non modo virorum amplissimorum  
eminus spectantium admirationem movent,  
sed hominum quoque gravissimorum cominus  
intuentium, ac familiaritate tua, sua vita-*  
teque

teque, & elegantia morum utentium studium trahunt, incredibilemque observantiam. Quapropter cum ego, qui & mentis tue celeritatem motuum, & intelligentiæ aciem, & animi moderationem, & indolis nobilitatem, & igniculos virtutum omnium admirari, cunctisque prædicare non desino, voluntatem erga Te meam, & obsequium testatum vellem; neque de meo haberem quicquam in manibus, quo id commodè præstare possem, hæc P. M. Francisci Mariæ Leoni, Viri celeberrimi, meique amantissimi, conscriptas ad me Epistolas, instigationeque mea elucubratas, præstantissimo, & eximio Nomine tuo juris publici fieri curavi; ratus ratione hac tum mihi ipsi, qui Tibi sane multum debeo: cum Amico meo, cui tantum Patronum nactus sum, haud mediocriter præstolari, satisque procul dubio opitulari me potuisse. Quod est autem reliquum Te præcor atque obtestor, ne munus hoc meum (est namque vetus effatum, ac fertur in primis, inter Amicos omnia debe-

re esse comunia ) ne munus inquam hoc me-  
um asperneris , atque contemnas ; id plane  
intelligo frustraneum esse , peneque injurio-  
sum à Te precari , qui eo es Animo , ut quic-  
quid redolere doctrinam accipias , in id in-  
credibili aviditate impelli videaris : quique  
ea humanitate es , atque benevolentissimo in-  
genio , ut non ad rem ipsam , sed ad offeren-  
tium animum , quemadmodum liberales ho-  
mines , atque ingenui facere solent , rationem  
semper habere consueveris . Quare , ut soles  
cuncta , hæc non secus accipe , Vir Clarissime ,  
qualiacumque ea demum sint , meque etiam ,  
atque etiam , ut facis , ama . Vale .

## LECTORI BENEVOLO

*F. Franciscus Antonius Gervasius.*

**Q**UUM de universa eruditione, ac sapientia, Amice Lector, Clarissimi Viri Francisci Leoni nostri Ordinis Theologi, atque in Patavino Gymnasio Primæ Philosophiæ Professoris, tum ex ipsius meritationibus jam prælo editis: cum ex sermonibus invicem habitis, in quibus & Romæ, & Patavii brevi semper quidem, at suavissimo tempore versati sumus, non semel periculum fecerim; si quando difficultates, in quas sæpe incidere possumus, in rem litterariam irreperent, ad eum confugium facere mecum persæpe animo reputavi. Occasio autem sese obtulit mihi exsecutioni propositum mandandi amplissima, non tantum ad intelligentiam meam tenebris obsitam illustrandam, verum etiam ad resistendum erratis, quæ ex Ollandiæ Typis longe lateque per Europam vagari scimus; præsertimque tractationi *Theologico = Politicæ*, ac libello alteri, cui titulus est: *Philosophia naturæ interpretes*; & in his præcipue quæstionibus illis de divinitate Pentateuchi, ac de usu rationis in Theologia, quæ sane disputationes in primis mirabile dictu est quot, ac quanta perversæ Philosophiæ semina fuscitaverint.

Quocum mihi iisdem de rebus colloquendi

ti venit in mentem eorum impia ostentationis ratio, qui in litteris non multum se profecisse credunt, nisi prius male de humanis legibus, pessime vero de Religione sentiant. Quapropter ne vulgus hic imperitorum hominum stultas, & propemodum perditas Operum eorundem opinationes, ne dixerim aniles fabulas imbiberent, ac tamquam præclaris præditi ingeniis, rudiori litteratorum plebeculæ sese jactarent, ab eo enixe præcatus sum, atque obtestatus, ut nequaquam nefariam hanc pestem grassari pateretur. Vix ea compleveram, cum minime id detrahendo, retulit ille, se quod optaveram perfecturum libenter, meque voti brevi compotem effecturum. Nihil enim est, quod magis honesti hominis animum, bonisque artibus instructum ad agendum commoveat, quam veritas, maximeque divina falsitatis umbra opacata, ut ea detecta, ac quasi ex profundo quodam loco hausta, luce eidem debita tandem aliquando fruatur. Intoleranter itaque promissa expectanti, propterea quia is sim ego, ita a natura effectus, ut plurimi faciam veritatem, quæ quamquam mihi adversaretur, ipsi sane non adversarer, quippe qui eam magis quam meipsum impenso studio, ac charitate flagrantissima prosequar, subjectæ hæ duæ redduntur epistolæ; quarum altera alterius Auctoris, altera itidem alterius errores ad trutinam revocati, admirabili quadam ingenii facilitate, ac pro-

pe divina tolluntur e medio , exterminanturque . Ut porro mihi traditæ litteræ sunt , statim avide legere cœpi , lætas , perlectasque maturius considerare , consideratas adamussim examinare , ac si vera fateri velim , ita illæ fecerunt plane satis , ut minime mihi temperare potuerim , quin easdem ob amicorum oculos ponerem , veritus ne studio , ac necessitudine , quæ inter nos est , æquus iudex essem , extimatorque rerum ipsarum . Amici vero , cognitis argumentis gravissimis , quæ in illis sunt , circumsteterunt mihi omnes , eruditionem , ingenii acumen , stili æquabilitatem , & splendorem minime cessantes laudare . Ille enim momentum a lege sumptum extollebat , asseverans , se nunquam invenisse cum cæteris legibus comparatum Decalogum , ostensumque etiam Romanorum antiquorum consultis antecellere . Hic rationem ratiocinationum efferebat in primis , affirmans neminem Jacobæum Oraculum tam minute fuisse interpretatum , idemque ad tempora Messæ perduxisse ; nec præterea vidisse hætenus clarissimam prædictionem Moyfis de Regibus Israël ; & vix hisce indicatis , recurrebat ad hujus articuli fundamenta , ac mirabatur non sine ratione rimatam scaturiginem Jordanis , interpretatam vocem Eber , ac novam plane de Judeorum Regno in Egypto opinionem , non modo probabili argumentatione quadam , sed vehementissimis conjecturis confirmatam .

Alius



Alius oculos ad Epistolam alteram conver-  
tens, quæ bifariam dispartita est, ostendebat  
priorem partem ferme inauditam fuisse, cum  
nemo adhuc eos errores e nostris refutaverit:  
posteriorem vero præter argumenta Delii, mul-  
ta etiam nova continere. Alius commendan-  
dum esse non mediocriter censebat nitorem  
verborum, atque Orationis perpetuæ elegan-  
tiam, inprimisque rationem agendarum re-  
rum, ut prius sit historia ortæ disputationis  
narrata, deinde unumquodque argumenti ge-  
nus PP. SS. confirmatum sit sententiis, ac  
cogitatis illustratum suis, quod adeo in præ-  
tio eidem erat, ut continuo exclamaret: Uti-  
nam, & scholarum omnium Magistri ita fa-  
cerent, sane non tam jejuni tamque rudes  
ecclesiasticæ Historiæ, Conciliorum, ac sen-  
tentiæ SS. PP. ex pulvere exirent Juve-  
nes, neque ita vittatis oculis in arenam de-  
scenderent.

Quibus sane diu, multumque animadver-  
sis, cum singuli suaderent, ut inedita isthæc  
ederem, scripsi ad Auctorem propterea præ-  
stantissimum, quid multorum persuasione ho-  
minum cordatorum, bona ipsius venia factu-  
rum me esse meditarer. At restitit ille diu,  
& restitisset adhuc, nisi intellexisset quod pro-  
hibuerat ipse mihi, cæteris, quod ego de-  
mum monueram, vetare non posse, quibus  
jampridem equidem copiam feceram harum  
Epistolarum. Quapropter invitus, ut ita di-  
cam,

cam, annuit. Atque ego statim ad rem aggressus diligentia summa, ut perpolitæ Epistolæ hæc duæ e prelo exirent curavi. Quantum litteris, & rectæ Philosophiæ, necnon universæ Religioni ita profecerim, ipse vel per te judicare poteris: quantum vero ipse mihi qui doctos, moratosque homines necessitudine, & observantia colere semper consuevi plurimum, verba hæc Tulii ad Varronem fidem finemque facient: (a) *Teneri non potui, quin conjunctionem studiorum, amorisque nostri, quo possem litterarum genere declararem. Vale.*

(a) Exord. Accad. quæ.



A. R.

A. R. P.

FRANCISCO ANTONIO GERVASI

*Ord. M. S. F. Con. Theologo necnon  
Cepionateri Eximio*

F. FRANCISCUS MARIA LEONI

S. P. D.



Ide quanti apud me sis. Postulas, ut rationem ostendam, qua sacras litteras, ac præsertim Pentateuchon ab recentiorum objurgatorum injuria, calumniisque possis vindicare. Difficilem sanè rem, & alex plenam postulas. Nam hoc fundamentum religionis nostræ præclare jactum, firmiterque statutum, tempestate quadam hisce præsertim temporibus quati video: atque illud in primis si corruere posset (non potest autem) cætera rimas agere proculdubio, intelligo. Tamen summa illa benevolentia, qua te propter ingenium, studia, moresque tuos merito prosequor, incitatus, opus aggredior non tam perficiendi spe, quam experiundi voluntate. Malo etenim magno cum periculo tibi placere, quam sine periculo ullo voluntati tuæ nequaquam obsequi.

Quæ-

Quærebas igitur qui fieri possit, ut certum exploratumque habeamus, Pentateuchon nimirum intus movente Deo, & quasi dictante fuisse à Mose exaratum: Atque id potissimum quærebas, ut veritatem Christianæ religionis ab nonnullorum Atheorum impietate turpissimis notis inustam, sartam testam haberes. Negocium sane preclaro, & præstanti Theologo dignum, quod contra Simonem Magum, Apostatam Julianum, ac Manichæos olim majores nostri, Eusebius præfertim, Ciryllus, multiq; alii procurarunt: Nuperrimi verò adversus cujusque religionis infensissimos hostes Obbesium, Spinozam &c. Viri disertissimi expedire, & conficere sunt conati, Natalis Alexander, Claudius Frassen, Hugo Grotius, Huetius, Abadie &c. ego autem eadem in re tractanda, quoniam mos gerendus est tibi, Auctorum hujusmodi æmulari diligentiam, quantum sciero, poteroque, curabo.

Divinas litteras, præsertimque Pentateuchon, hoc est, ut Hæbraicum nomen significat, volumen quinque librorum intus movente Deo, & quasi dictante fuisse à Mose exaratum.

1. Principio autem id ex eo colligere, fas est, quod antiquissimum esse volumen hoc ex monumentis vetustissimis, omnique exceptione majoribus vel clarissime erui potest. Quod ut præstemus statim, primus veniat in medium Sanchoniathon Berytius antiquissimus phæ,

phœnicicarum rerum scriptor, quem ante Trojanum vixisse bellum ex Phœniciæ Regum continuata serie probari scribit Porphyrius, cujusque opera græca reddidit Phylo Byblius. Is porro testatur, Judæorum commentarios se ab Jerombalo recepisse, quem Jerombalum quidem non alium fuisse, nisi Gedeonem ex libro Judicum, ubi Gedeon appellatur Jeroboal nullo negotio depromi potest ut Suidas animadvertit ante nos, quamvis in vocis origine deceptus sit: cum autem audiamus à Gedeone Sanchoniathonem Judæorum libros habuisse; an non intelligimus commentarios illos Pentateuchon fuisse? Est igitur vetustissimum Pentateuchon, sacrumque ab illis usque temporibus habitum à Judeis.

2. Scio autem Scaligerum, & Senieur, nonnullosque alios multa commentos esse de Sanchoniathone, quibus Porphyrium, Eusebium, Cyrillum, Theodoretum opponimus; nam quando ajunt Jerombalum teste eodem Sanchoniathone fuisse sacerdotem, minime vero Gedeonem, nos Gedeonem sacra peregrisse colligimus ex libro Judicum, ac sacra peragere licitum fuisse Ducibus exercitus satis liquido constat ex Mose, & Josue, qui ætate hunc præcesserant, quamvis vox, qua utitur Sanchoniathon ad hoc exprimendum, non tam Sacerdotem significet lingua phœnicia, quam principem, ut advertit optime Bochartus.

3. Sed Sanchoniathonem Homerus se-

quun-

quantur, & Hesiodus, quorum scriptis nihil Græci vetustius habent: nam quæ tribuuntur Orphæo carmina, non esse Pylistrati tempestate antiquiora, eruditi fatentur fere omnes: quos sane Auctores apud Grajos Theogonias scripsisse Deorum primos, testatur Herodotus: Quotus autem quisque est, qui poesim utriusque legerit, & statim apertum illi non fuerit, compertumque, huiusmodi auctores Moyse Pentateuchon perlegisse? Certe quod de Deorum peregrinatione canit Homerus, ut sexcenta omittamus, non aliunde sumpsit, quam ex narratione illa, qua in Genesi refertur, tres Angelos ab Abrahamo in hospitium fuisse receptos: illudque alterum Hesiodi, fuisse hominem ex luto, veluti ex materie formatum, non aliunde haustum videtur, quam ex hominis procreatione à Mose relata. Prodiit autem ab hinc paucis annis liber, in quo Homeri, Hesiodique loquendi formulæ cum Pentateuchi sermone comparantur, atque huic simillimæ omnino ostenduntur, quem si consulas, Mosaicis rivulis hortulos suos, huiusmodi homines irrigasse, comperies.

II. Verum ut missos faciamus Thaletem, Pythagoram, Licurgum, omnesque alios, quibus notum fuisse Pentateuchon ferunt pluri mi, licet dubiis, aut non satis exploratis fundamentis innixi, & ut non copiam, sed modum hac in re, qua de agimus, confitemur: existimamus cum Huetio ex omnibus mo-

monumentis , quæ ex ruderibus antiquitatis depromi queunt , vix aliud referri validius posse , quam quod ex Samaritani Pentateuchi vetustate , & auctoritate deducum est. Temporibus quippe Jeroboami , qui primus Samaritanæ gentis Rex fuit , quique vixit Roboamo in Juda regnante , hoc est anno mundi circiter 3029. ante Edificationem Cartaginis circiter novem annos , novemque annos ante Istitis æram , unde initium duxisse ferunt veram Olympiadum Epocham 29. circiter annos post ædificatum Templum à Salomone , 199. annos ante vulgarem æram Olympiadum , 971. annos ante æram Christi juxta illorum sententiam , qui illam inceptam faciunt anno mundi 4000. ( sequimur in hac re Chronichon m. s. quod extat in Bibliotheca nostra Patavina ) Temporibus , inquam , Jeroboami , cujus regnum 254. annorum fuisse creditur , divisio inter Judeos facta , partimque ad Jeroboami partes , partim vero ad Roboami factionem accessere . Illi , ab Samaria Civitate in Montis Semer fastigio collocata , Samaritani : hi vero antiquo nomine Israelitæ vocati sunt . Mirum autem est animadvertere quam implacabile dissidium , quamve intestinum odium hos inter Judeos exarserit , quibusque modis utriusque partis divisores inexorabilem iracundiam nutriverint . Esdras Hyerosolimitanis favens famosas , contaminatasque Samaritanorum civitates haberi jussit . Contra Sa-  
ma

maritani Garizim Templum moliti sunt prohibentes, vetantesque, ne ex suis unus quidem Israelitarum Templum peteret. Hoc itaque capitale odio vigente deprehendi licet illorum Pentateuchon judaico caractere exaratum, quem ex Assiriis habuisse, ajunt; horum vero Samaritanis litteris scriptum, quas suppeditasse illis Cananea, dicunt, tanta inter se consensione utriusque gentis convenire, ut merito affirmare possimus Samaritanos, & Israelitas, volumen hoc, ceu divinum omni tempore respexisse. Quis est autem, qui inficiari valeat religionem perpetuam integræ nationis armis, ac litteris florentissimæ?

2. Quod certe vel maxime ex eo confirmamus, quod Judæi integrum, inviolatumque Pentateuchon servarunt, tum quoque, cum in Mesopotamia servi fuerunt, quæ servitus fuit annorum octo; tum in servitute Moabitarum, quæ 18. annorum fuit; tum in illa Cananeorum, quæ annos viginti comprehensa est; tum in illa Madianitarum, in qua septem annos permansere; tum in illa Ammonitarum, quæ ad annis 18. perducta est; tum denique in illa Phylysteorum longissima, quæ 40. annos complectitur: sed non modo in narratis hisce mancipiis Judei incorruptos Pentateuchi Libros servarunt, verum, & post relatam divisionem illam Israelitæ cum servi in Media fuerunt per annos 70.; vel 53., ut aliis placet; Samaritani 141.



annos ante servitutem Sedeciae Regis Judæ, cum in Assyria in mancipium fuere inviolatè custodierunt. Ex quibus duo colligimus alterum, quo religio Judæorum in Pentateuchon apparet; alterum, quo ob oculos ponitur peculiaris providentia quædam, qua sane factum est, ut inviolati fuerint hujusmodi libri aservati à Judæis temporibus illis, quibus propter crebras, quasque diuturnas servitutes ipsi Judæi fere universi nativæ linguæ fuerant obliti.

3. Non ignoramus autem Eusebium, Diodorum, Hieronymum, Cyrillum, Procopium varias lectiones edidisse in Samaritanum textum: sed cum interprete Simone dicimus egregios, quos nominavimus viros id quidem egisse non in textum Samaritanum, sed in græcam versionem Samaritani textus, quem sane textum Samaritanum omnino congruere, & consentire cum textu hæbraico laudati Patres in primis affirmant; ac si Polyglotas consulimus, nobis quoque proculdubio constabit, adeo ut id sane maximo argumento esse possit ad divinitatem, ut ita dicam, Pentateuchi ostendendam.

III. Verum à rationibus extrinsecus petitis, quasi ab extimis principiis, & adventitiis, ad intima descendamus, & intestina momenta, quæ ab pura doctrina, a miraculis, ac tandem à vaticiniis deprompta sunt. Igitur ut ab facilioribus exordiamur, veniant

B

prin-

principio divinæ leges in medium, quas à Deo recepisse professus est Moses, quasque legimus descriptas in libro Exodi. Quotus autem quisque est, qui ignoret mandata illa, quæ Decalogo comprehensa sunt ejusmodi esse, ut non aliunde ortum duxisse, quam à Divina mente, confiteri, necesse sit? Nam duo leges præstant, vel enim in cultum Dei cædunt, procurandamque religionem, vel ad societatem tuendam, moderandumque hominis ingenium à labore proclive ad lubricum sunt institutæ: porro Decalogus utrumque facit. Priora quippe tria mandata pertinent ad Deum, spectant ad homines posteriora septem; illis rerum omnium auctorem præcipitur colere unum, venerarique; ut, quoniam timendum est nomen ejus, inanibus verbis jactare illud, aut execrare sit nefas, ut dies, quas sibi dicavit (ex naturæ lege, qua gratos esse in eum, qui benefecit, impellimur) non minus colere debeamus; quas leges quidem sancitas ab Idololatriis quoque, compertum est. Quoniam *nulla natio tam effrata est, quæ si Deos habeat suos*, illos solemnitate, atque sacris rebus non veneretur. Porro autem propterea quia post D. O. M. Parentes locum tenent, unde religionem in Deum, atque obsequium in parentes uno, eodemque pietatis nomine appellavere Romani, nobis post rerum divinarum cultum, in majores nostros præcipitur observantia, ut lu-

ce fruamur, qua vivimus, qua quidem indignus est, qui in parentes est impius: propter quam rem peculiari supplicio apud Romanos plectebatur, qui parricida erat; eum etenim corio involvebant, vinciebantque, dein eiiciebant in flumen, proptereaque ibi inclusus homo mortem subibat igne, aere, aqua, ac terra orbatus, ut intelligerent homines, quoniam qui parricida est, contra naturam facit, ita sine naturæ adjumento, ac quasi contra naturam puniendum esse. Verum sequuntur alia, quibus jus exercere in alterum vetitum est; enim vero interimiri homo non potest, nisi in sui defensione id fiat, quod tamen præscriptis suis cautum est, si jus non sit ullum datum illi, qui interimit. Siquidem interimere subditos non possent Reges, nisi cum à Deo erecti fuere ad hominum regimen, sibi non intelligerent gladii jus ad societatem, æquitatemque tuendam fuisse tributum. Quid est autem, quod magis contra naturæ præscripta reclamet, quam mæchum facere? id enim familias perturbat, quoniamque mulier ad jus transit viri illius, cui nupta est, qui mæchum facit jus viri illius constitutum deturbat, atque ea ratione agit, ut filii, qui sunt, spolientur re sua, qui autem spurii sunt, repotiantur, fruanturque non sua. Præterea hic vetitum fuit etiam damnatæ Veneris crimen omne, quæ crimina præter jurgii causam, quam semper inferre consueverunt, mi-

rabile dictu est , quam apta sint ad everrendam societatem . Id & de furto verum est , cum ad commode vitam transigendam rem alteri furatur quispiam . Qui vero , quæ falsa sunt , testatur , Deum invocans , an non facit Deum Auctorem mendacii ? scilicet quæ fraude fiunt , in alterius damnum cædunt , nulla autem major fraus , quam quæ divinas res in sui testimonium trahit . Sed si peccatur opere , certe , & desiderio peccari necesse est , non modo quod qui desiderat sese in alea ponit , verum quia secum reputat veluti facta , aut animo efficiendi parato , quæ infecta esse debere humanum lumen ostendit . Igitur cautum est duobus postremis mandatis , ne id capiamus , quod contrarium est naturæ præscriptis , quod habere , fas non esse , ipsi cognoscimus . Ad cæteras autem leges , quod attinet , quas in Levitico , & Deuteronomio , cæterisque libris legere est , ajo , eas nihil præferre aliud , quam explanationes , explicationesque in Decalogum . Quibus ita constitutis , quænam lex humana , quæso , est , quæ si cum divina comparetur , impura non appareat , & inquinata ; sive illa post Mosaicam legem , sive antea lata sit ? Certe quæ ante Moysen fuere leges , quæque post , idololatricam non interdixere . Nonnullas porro furtum scimus dimisisse suis , ut Lacedæmoniarum Licurgi ; nonnullæ levia sectatæ sunt , ut Solonis illa , qua præceptum est , canem , qui

hominem momorderit quatuor cubitorum catena ligari. Scimus autem Athæniensibus licitum fuisse filiorum internecionem, quod & Romanorum leges concessere suis. Scimus liberum fuisse Persis olim Matres in uxores ducere, apud Gelos licuisse mæchari; apud Parthos innuptas filias, & sorores occidere. Quid multa commemoro? Polygamiam, ut modo est apud Alcorani sectatores, fuisse in more positam apud Arabes antiquissimos, certissimum est. Quid porro, quæ ante Mosem latæ sunt, si tamen leges ante Mosem fuerunt ullæ? Nam testatur Justinus principio rerum arbitria Principum pro legibus fuisse, testanturque impia, crudeliaque Ægyptiorum facta, immanes fuisse leges eorum. Illud tamen unum certissimum est, præscripta Gentilium universa non ita vere, ac commode turpia, & honesta distinxisse, ut Mosaicæ leges fecere. Quæ cum ita sint, quis inficias iverit, leges Pentateuchi divinas esse, proindeque divinam ejusdem doctrinam omnem, qua constat volumen illud? Num Mosem doctissimum omnium fuisse, prudentissimumque dicemus? Sed à quibus hanc solertem peritiam rerum ipse didicit? Certe si plus sapiunt multi, quam unus, ut in proverbio est, Romanorum leges, quæ ex collatione multarum legum, & ex prudentia hominum multorum confectæ sunt, longe præstare debent præscriptis Moisaicis. Quod falsum cum sit, fateamur, tan-

dem aliquando, necesse est, hæc Mosem non aliunde, quam ab divino fonte, hauisse.

IV. Quid? quod ad tuendas leges, gentemque defendendam Deus suam, plurima scimus edidisse miracula, ac virtutem dedisse Mosi ea agendi, quæ supra naturam sunt. Deditset ne divinum Numen impio homini hanc facultatem? Quis autem impius magis, quam qui fratres fefellerit? Igitur non fefellit Judæos Moses, si portenta patravit, quæ sane fecisse multa, testantur extranei, quos in medium afferre malo, quam nostros, ne impudentes ut proverbio dicitur videamur fraudasse prudentes. Artapanus itaque in suo de Judæis opere narrat, Mosem Ægyptio Regi orbis universi moderatoris nomine, ac jussu nunciasse, ut Judæos liberos, securosque dimitteret: Præterea cum Rex à Moyse prodigium aliquod expeteret, eam, quam manu virgam tenebat in serpentem subito convertisse, omnibusque stupentibus arrepta cauda priorem ei rursus virgæ formam reddidisse. Paulo post: Nilum eadem virga percussum intumescens undis Ægyptum universam proluisse, ex eoque tempore statis deinceps vicibus in agros se Nilum effudisse. Mox collectas, & stagnantes passim aquas efferbuisse, nec piscibus modo interitum, sed exitialem quoque hominibus sitim attulisse &c. Deinde narrat, iussisse Sacerdotibus suis Regem, ut similia agerent, idque aliqua eos ratione præstasse, sed Mosem, scribit, alia pleraque edidisse miracula, ac pessime vexasse Ægyptios, adeo ut Rex tot malis,

lis, cladibusque fractus Judæos, sero licet, aliquando tamen dimiserit. Exeuntes itaque ex Ægypto Judæi magnis itineribus, cum ad rubrum mare pervenissent, neque traicere possent (pergit Artapanus) Mosem, ut mare virga percuteret, divinitus admonitum, aquam virga tetigisse, ac discedentibus illico fluctibus copias sicco tramite deduxisse: eandem porro viam tentantibus, ac fugientium terga præmentibus Ægyptiis, cum adversum repente ignem coruscasse, tum ipsum quoque mare patentem semitam refluentibus undis obruisse; itaque partim igne, partim aestu maritimo Ægyptios ad unum omnes periisse. Quod quidem Artapani testimonium corroborari potest testimonio Manethonis, Numenii philosophi, aliorumque quos Josephus commemorat libro primo contra Apionem.

At morosi nonnulli disputatores id natura duce factum ajunt, quoniam Moses totius regionis scientissimus, observato reciprocantis æstus tempore, sicco mari universam multitudinem transmississe, quod & in mari Pamphylia fecisse Alexandrum, Strabo asseverat.

Verum id Artapanus idem refert olim dixisse Memphytas, quibus tamen egregius Auctor Heliopolitanos opponit, qui propius mare Judæos traycientes intuiti sunt. Et sane si Moses peritus marini æstus fuit; an existimamus propterea Ægyptios homines meatus maris, commeatusque ignorasse, præsertim cum peritissimi scientiarum omnium habiti

semper fuerint Ægyptii, ac Geometriam, & Astronomiam primi coluisse dicantur. Sed neque ita decrescere æstu suo mare potuit, ut spatium suppeditaret siccum transfretandi ingentem exercitum: neque Ægyptii ita cæci fingi possunt, ut, etsi maritimi æstus ignarissimi, haud novissent, mare post transitum Judæorum fluxu crescere repentino. Ad Alexandrum vero, quod attinet, refert Strabo Pamphylum mare transisse, non sicco tramite, sed id natante quodam scopulo fecisse, ac milites non semel demersos ad umbeliculum, quasque submersos fuisse.

At non hæc tantummodo Mosis fuere prodigia, plurima quippe miracula, & in deserto edidit, quæ omnia verissima fuisse nemo unus, & si rigidus veritatis assertor, negabit, qui adverterit scripsisse illa in Penta-teuchon Hæbreorum Ducem adhuc vitam degentibus iis, in quorum conspectu facta fuerant. Ecquis enim vero non videat fieri nequaquam posse, ut unus homo sexcentis hominum mille vidisse suadeat, quæ viderant numquam, cum uni refragari omnes possent, atque ejusmodi essent Judæi, ut quemadmodum de interimendo Mose aliquando cogitarunt, ita, se non credidisse verbis ducis sui, publicis etiam monumentis testati essent? Quod cum factum non sit, vera esse, quæ referuntur in scriptura universa fateamur oportet, ac Mosem, cui data est virtus pa-trandi



grandi miracula, vera scripsisse, proindeque Pentateuchi volumen divinitus datum esse, ut ipsum quoque præferebat.

V. Quoniam vero aliud superest probationis genus ex vaticinationibus depromptum, consilium est ea persequi modo, ut ostendentes vaticinationes contineri plurimas in Pentateucho, illud divinitus scriptum esse demonstremus; non enim fieri potest, ut homo futura prænoscat, atque illa sine hæsitacione prorsus ulla prædicat; quod si eventum prædixit Moses, certissimum est divino spiritu egisse, eodemque spiritu illa exarasse omnia, quæ libris compræhenduntur Pentateuchi. Porro autem ordine suo id acturi, necesse habemus prius ætatem, qua vixerit Moses indicare, deinde contra Hobbesium, & Spinozam hujus voluminis Judæorum Ducem auctorem, scriptoremque fuisse, ostendere, ut inde divinos libros hujusmodi esse, vel meridianæ luce clarius colligamus.

2. Triplex autem circa tempestatem, qua Moses floruerit est nobilissimorum auctorum sententia. Porphyrius etenim temporibus Semiramidis vixisse putat, cui suffragatur Huetius: secundam sententiam tradunt Affricanus, Tatianus, Clemens Alexandrinus, qui sane Inachi ætate florentem faciunt: postremam defendit Eusebius, qui, regnante apud Athenienses Cecrope, Mosem vixisse, ac floruisse dicit, quam opinionem quidem diligentissime

tissime illustrarunt Chronologi nostrorum temporum magni, atque nobiles Scaliger, & Petavius. Nos hac in re decernentes prorsus nihil, ut cum adversariis nostris vel liberalissime agamus, eam sequemur sententiam, quæ antiquum minus, quam cæteræ, Mosem facit. Arbitrantes autem juxta Chronologos illos, qui temporum doctrinam sine involucris verborum tractant regnasse Semiramidem, ab anno circiter mundi 2792. ad annum 2843. Inachum vero, qui apud Græcos Ogigis etiam nomine celebratur ab anno 2148. ad annum 2198. Cecropem denique ab anno 2448. ad annum 2498. Semiramidis ætate cum Porphyrio, qui minus vetustum facit, vixisse Mosem sine opinionum examine dicemus; id siquidem modo damus, non quod nos sentiamus ita, sed ut, hoc etiam dato, hallucinari vel maxime Adversarios demonstremus. Vixisse itaque Hæbræorum Ducem anno mundi 2792. sine asseveratione, ponamus.

3. Hunc, quæso, Mosem Pentateuchon scripsisse demonstremus, atque id in primis ex testimonio Gentium. Siquidem Manethos Sebennyta apud Josephum, Philocorus Atheniensis, qui Ptholomæi Philopatoris temporibus floruit, Polemon, qui Ptholomæi Epiphanis tempestate Græcorum scripsit hystoriam, Eupolemus ab Alexandro Polyhystore laudatus, ac vir elegantissimus, Demetrius Phaleræus, quorum fragmenta apud Eusebium  
non

nonnulla extant, innumerique alii volumen hoc Pentateuchi, vel Mosaicum appellant, vel à Mose scriptum ajunt, vel tamquam opus Mosis laudant. Quapropter si antiquissimos libros non alia de causa auctoribus suis adscribimus, nisi quod accepta à majoribus traditio ita fert: non video, cur non sit idem dicendum de Mosaicis libris, præsertim cum id Critici doceant ad unum omnes. Verum cum veritati huic, qui obtestantur non ex Gentilium testimoniis, sed ex sacrarum literarum verbis errori suo fidem facere conentur, placet nobis ex eodem veluti armamentario ad eosdem jugulandos arma depromere.

4. Legimus itaque Exodi 24. cap. *Scriptisse Moſem univerſos ſermones Domini. Deinde dixiſſe illi Deum, Scribe tibi verba hæc, quibus, & tecum, & cum Iſrael pepigi fædus: & in Deuteronomio: Scripſit itaque Moſes legem hanc, & tradidit eam Sacerdotibus filiis Levi, qui portabant Arcam fæderis Domini, & cunctis ſenioribus Iſrael; ruruſque Exodi 17., & 24. de victoria contra Amalech dixit Moſi Deus: Scribe hoc ob monumentum in libro, & trade auribus Joſue: item in Deuteronomio, iterum, poſtquam ſcripſit Moſes verba legis hujus in volumine, atque complevit, præcepit Levitis, qui portabant Arcam fæderis Domini dicens: Tollite librum iſtum, & ponite eum in latere Arcæ fæderis Domini Dei veſtri, ut ſit ibi contra te in teſtimonium.*

5. Por-

5. Porro cæteri quoque divini libri id nobis testatum faciunt . Baruch in primis , qui loquitur in hæc verba : *Sicut locutus es in manu pueri tui Moysis in die , qua præcepisti ei scribere legem tuam &c.* Itemque scimus ex primo libro Paralipomenon *Helciam Pontificem , cum templi tecta instaurarentur , librum legis Domini invenisse per manum Moysis scriptum :* tandem apud Joannem legimus Christum ita Judeos fuisse olim alloquutum : *Est qui accusat Moysen , in quo vos speratis : si enim credideritis Moysi , forsitan credideretis mihi &c.* unde Philippus dixit ad Natanael : *Quem scripsit Moyses in lege , & Prophetis invenimus Jesum filium Joseph à Nazareth .* Mittimus innumeros alios textus , qui afferri solent ab aliis , non quod copia aliquando non deleamur , sed quod gaudemus magis perspicuitate ; illi quippe non tam scriptorem , quam auctorem Pentateuchi Moysen faciunt : hi vero vel clarissime præstant utrumque .

Neceffe autem habeo animadvertere hujusmodi textus intelligendos , explanandosque esse de libris Pentateuchi universis , non autem de capitibus Deuteronomii quibusdam , quæ legem omnem comprehendere videntur , ut perperam facit Spinoza . Nam tritum est vetustate proverbium apud Criticæ artis peritos nihil omnino excipi , ubi distinguitur nihil , quod axioma ex Juris Prudentum schola illi duxere , sæpiusque usurpavit Divus Bernardus ; non distinguuntur autem hîc summa

ma

ma hæc præceptorum capita, ad quæ cætera revocentur, igitur indiscriminatim cum loquantur divinæ litteræ Pentateuchon comprehendant universum oportet. Quod & Judæorum traditio confirmat; Judæis quippe numquam in mentem venit libros holce alteri tribuere, quam Mosi: ( præter Haben Efdra, qui dubius rem in medio reliquit ) quis autem est, qui vetustissimæ traditioni audeat refragari, præsertim, cum non alia de causa libros, qui Platonis, Aristotelis, Varronis, Ciceronis nomine circumferuntur, vere suorum auctorum, ut ait Augustinus, esse credamus? Verum quidem est Josue descripsisse in Ara Habolitana Deuteronomion Legis Domini super lapides, ex quorum compage Ara illa erat conflata: videntur autem solum summa capita in illis fuisse insculpta, idque multi ex nostris defendunt: nos autem arbitramur fuisse in eis exaratam universam legem Domini, quam commodè quidem capere poterant, tum quia lapides isti duodecim numero erant, ut Judæi tradunt, atque tanta magnitudine, ut longum, atque latum Altare componere possent; tum etiam quia hæbraicæ linguæ vocabula paucis multa comprehendunt. Quod si præterea id falsum esse Spinoza contendat, rationem quæso in medium afferat; Accusatoris etenim est probare, & ostendere, ut Dialectici docent, nosque inter cætera testimonia certissimum illud septuaginta

ta Interpretum sequimur, qui ad unum omnes non alteri, quam Mosis Pentateuchon adscribunt, quodque omni tempore Synagoga universa testata est.

VI. Qui Pentateuchon à Mose scriptum nolunt, his ferme utuntur rationibus, ac primo quidem ita inquirunt. Quoties Moses egregia facinora narrat sua, simili loquendi utitur ratione: *Dixi vobis: dixit Dominus ad me &c.* Porro Pentateuchon scriptor hunc sermonem certe non adhibet, sed de Mose loquitur, ceu de aliena persona: ait enim: *Deus cum Mose loquutus est. Deus loquebatur facie ad faciem. Iratusque est Moyses Principibus exercitus &c.* Immo auctor ille quisquis est persæpe Mosem nostrum ingenti laudatione prosequitur. *Erat Moses vir mitissimus super omnes homines. Non surrexit ultra Propheta in Israel, sicut Moyses, quem nosset Dominus facie ad faciem;* ideoque testatur hæc esse verba, quæ loquutus est Moyses ad omnem Israel trans Jordanem, atque Jordanem transisse numquam Mosem, certum est: dicamus igitur oportet hujusmodi libros alium à Mose auctorem, scriptoremque habuisse.

3. Præterea Genesis auctor cum narrat Kanahanitarum terram Abrahamum lustrasse, addit præterea: *Kanahanita tunc temporis erat in illa terra,* quæ verba significant Kanahanitam in illa terra non fuisse, cum hæc describeretur hystoria; tempore autem Mosis nondum

dum plaga illa pulsi Kanahanitæ fuerant : quid igitur ex his concludemus , nisi Mosem Genesim non scripsisse ? Quod sane confirmatum ex eo volunt , quod Abraham *Reges illos qui captivum ducebant fratrem suum Loth* , prosequutus est usque ad Dan , quod nomen certe urbs hæc , nisi post mortem Josue minime nata est : ita legimus *montem Morya in Genesi montem Dominus videbit* appellatum : scimus autem hanc non habuisse appellationem , nisi post ædificatum templum : itemque Civitatem *Cariatb Arbe* , *Hebron vocatam* , quamvis nomen hoc ab Calebi nepote diu post Mosi mortem habuerit : denique legimus *Regum illorum nomina* , qui regnaverunt in terra *Edom* antequam *Regem haberent Filii Israel* , quæ cum non acciderint , nisi post mortem Mosi , auctorem inquirunt Pentateuchi esse Mosem herculè negant .

4. Rursus Exodi habemus : *Filios Israel comedisse manna quadraginta annis* , donec venerunt in *terram habitabilem* &c. sed tunc Moses non erat , cum ad terram pervenire illam , ut Josue videre est ; imo neque erat Moses cum in *Rabbath lectum ferreum viderunt Og Regis Basan de stirpe Gigantum* , quoniam supervacaneum fuisset , velle ex eo proceritatem Regis colligere , aut ostendere illis , qui cum Ogo ipso pugnaverant , ac viderant eum mortuum , prostratumque : quæ si vera sunt Pentateuchon sane alium à Mose sibi scriptorem vindicare necesse est.

De-

Denique extra omnem dubitationis aleam positum est, librum *bellorum Domini*, ac volumen *Fæderis*, inter rudera antiquitatis jacuisse: scimus porro *mandasse Deum Moysi*, ut *vicloriam in Amalecitas scriberet ob monumentum in libro*, neque eam in Pentateucho narratam invenire est: deindeque scimus scripsisse Mo- sem librum *Fæderis*, qui non est unus, aut alter Pentateuchi liber. Quid igitur prohibet, quominus asseverare possimus librum *Bellorum Domini*, quem laudatum legimus numero 20. fuisse illum, qui bellum in Amalecitas præliumque narrabat; alterum vero *Fæderis* illum fuisse, quem coram populo legit Dux, cum primum Fædus cum Deo inierunt Judæi; neque præter istos, alios scripsisse Mo- sem libros, proindeque Pentateuchon sibi scriptorem à Mose diversum adsciscere? Certe cum postremo cap. Deuteronomii graphice descriptam mortem, & sepulcrum Moy- sis legamus, fuisse librum hunc saltem, post Mo- sis ultimum fatum scriptum, exaratumque fatamur, inquirunt, tandem aliquando, necesse est.

VII. Nihil autem operosum est hisce cavillis, cincinnisque sententiam nostram liberare. Non enim Moy- ses, cum facinora egregia narrat sua, his utitur loquendi rationibus: *Dixi vobis, dixit Dominus ad me &c.* sed cum præcipit, cum jubet, vel cum rationem divinorum mandatorum exponit: cum autem quædam præclare facta de se testatur

Hysto-



Hystoricus, tunc ait, ac si de aliena perso-  
 na loqueretur, ne laus in ore suo, ut in pro-  
 verbio est, sordescere videatur; quod quidem,  
 non unus præstitit Moses, sed tum Julius Cæ-  
 sar in commentariis suis, cum Flavius in libro  
 de Judeorum bello, itemque Paullus in Epist.,  
 imitati sunt. Quod autem dixerit hæc se lo-  
 quutum esse ad omnem Israel trans Jordanem:  
 id, ajunt nonnulli, errore factum illius, qui  
 ex Hæbraico Pentateuchon vertit in latinum  
 sermonem, quoniam judaicum vocabulum *E-*  
*ber*, quod tam *cis* significat, quam *Trans* pro-  
 prieque *Circa*, ut Pagninus, & Buxtorfius te-  
 stantur, vertit *Trans*. Sed nos id arbitramur  
 factum jure optimo, non autem errore, pro-  
 pterea quia hujusmodi libri legendi cum es-  
 sent septimo vertente anno, quo recurrebat  
 dies solemnis tabernaculorum ab Judæis Trans  
 Jordanem extantibus, hac dicendi forma in-  
 telligebant Volumen scriptum fuisse, antequam  
 Judæi transirent Jordanem cis flumen, post-  
 quam transiverant trans flumen: videmus enim  
 ibi adeo clare locum, quo scriptum sit indica-  
 tum, hoc est *in solitudine campestri, contra mare*  
*rubrum inter Pheran, & Thophel, & Laban, &*  
*Aseroth ubi auri est plurimum, undecim diebus de*  
*Oreb per viam Montis Scir, usque ad Cades Bar-*  
*ne: ut jure extimare possimus Mosem commemo-*  
*rasse hæc apposite ad suspicionem, difficul-*  
*tatemque plagæ, in qua scripserit omnem tol-*  
*lendam.*

C

Ita

Ita cum ajunt, ac narrant divinæ litteræ Abrahamum usque ad Sichen venisse, ibique tum Kanahanæum commorasse, quis non videat verbis illis Mosem indicare voluisse hominum genus, quocum commoratus est Abraham postquam exiit de terra sua, deque sua cognatione? Quod si hoc commemorare futile putat Spinoza, quod Moysis tempestate adhuc non fuerant Kanahanzi ex illa pulsi regione, id nos necessario factum putamus, ut Judæi intelligerent à quo tempore, ac quamdiu Kanahanei terram illam occupaverint. Cum autem opponunt *Dan* nomine vocatam non fuisse Civitatem illam, ad quam usque Abraham Reges insequutus est, qui captivum ducebant fratrem ejus Loth, nisi postquam illam expugnarunt sexcenti Viri de Tribu Dan, quod multo post contigit, quam Moses mortuus est. Nos multiplicem responsionem cum veterum, tum recentiorum Interpretum omittentes, quarum nonnulli putant, non *Dan*, sed *Danna* legendum, alii duplicem regionem *Dannitarum* distinguunt: nos inquam, sine hæsitatione ulla affirmare non dubitamus nomen *Dan* non esse Civitatis, aut plagæ, quæ nomen recepit à Tribu *Dan*, sed antiquissimum esse Rivuli cujusdam nomen, qui cum *Jor* altero rivulo Jordannem fluvium componunt, ut ante nos animadverterunt Sanctus Hieronymus, ac Philostorgius, & nuperrime Huetius. Non enim poterant Reges isti in regionem suam remeare sine

ne vel fluminis, vel rivuli transitu, neque val-  
 lis silvestris, ubi Reges Ponti inter, ac Sodo-  
 morum Reges prælium commissum est, tam  
 longe ab Jordanis distat scaturigine; ut eos mi-  
 nime adoriri Abraham potuerit, ac nocte per-  
 sequi illos ad rivulum Dan usque, & ad Nobe  
 Civitatem, quæ ad lævam Damasci collocata  
 cum fuerit, parum ab Jordanis fonte distave-  
 rit, necesse est. Nemo autem est, qui Terræ  
 Sanctæ Topographiam lustraverit, qui ignora-  
 re possit domicilium Abrahæ ab rivulo Dan di-  
 stasse spatio tantummodo viginti circiter mille  
 passuum, quod sane iter sex horarum tempore  
 comode conficitur, ut mirum sit virum alio-  
 qui doctissimum Claudium Frassen hæc non vi-  
 disse, sed difficultate fractum id de *Danna* di-  
 ctum voluisse, quæ certe, neque tam propin-  
 qua est rivulo, neque ad lævam posita Dama-  
 sci, ut jure optimo dicere possimus, quod Fras-  
 sen hac de re tradit, purum commentum re-  
 dolere, putumque. Quod autem attinet ad  
 montem Morya, ajo, Abraham appellasse lo-  
 cum hunc hoc nomine *Dominus videbit*, serva-  
 tumque cognomen illud in sola Abrahæ fami-  
 lia, quamvis fortasse nomine suo appellatus sit  
 ab incolis regionis illius, qui ex familia Abra-  
 hæ non erant, quod nomen tandem amisit  
 omnino, quando templi molitioni ordinatus,  
 destinatusque est. Verum non ita in Hebron  
 Civitatis nomine contigit, quæ sane non à Ca-  
 lebi nepote nomen hoc nata est! sed cum an-  
 ti

tiquissima fuerit, ita vetustis etiam temporibus appellatam credimus, atque ab illa nepotem Calebi nominatum fuisse potius arbitramur; fuit enim ædificata septem annos ante Tanim Urbem Ægypti: igitur antiquissima. Calebi vero nepotes cæteri non dederunt, sed acceperunt nomen à Civitatibus, quibus fuerat Patruus potitus, cur itaque id pariter de Urbe Hebron non dicimus? sed de Regibus illis, qui regnaverunt in Ædon, antequam filii Israël Reges haberent, ajo e familia Esau fuisse Reges (inter quos fortasse fuit etiam Job) quoniam Esau Patrem Idumæorum appellatum legimus non alia de causa, nisi quia filii, nepotesque illius terræ Edon imperium habuerunt, præliaque commiserunt multa cum Finitimis, ac regno potiti sunt; quod factum esse, antequam David vinceret Idumæos, non video cur sit negandum: præsertim cum Judæi antequam terram promissionis ingrederentur, Reges habuerint suos, ut suo loco declarabo.

Quod vero addunt comedisse scilicet filios Israël Manna, antequam venirent in terram habitabilem, id explicant multi expressum de more vaticinantis, veluti si jam pridem evenisset. Bene est. Placet nihilominus nobis ita respondere, cum nimirum Judæi ante Mosis mortem potiti essent parte illa Chananeæ, quæ est trans Jordanem, ubi cum Mose vitam duxerunt, expugnatis exterminatis-

natisque Regulis plagæ illius, ac vesci cœperint fructibus regionis sæcundissimæ, fortasse tum manna cessavit; nam tempus, quo cessavit in sacris litteris indicatum non vidimus. Igitur pluvia hæc salubris destitit antequam Judæorum Dux extremum fatum subiret. Non enim ætas quadraginta annorum, qua pluvia hæc perduravit obstare videtur; quippe cum Moses octoginta annorum esset, quando ex Egypti Regno evasit, quando autem mortuus est, cum centum, & duodeviginti annorum ætatem ageret, potuit fortasse paullo ante mortem, non amplius manna fuisset oculis intueri. Itemque cum legimus Ogum Regem ab Judæis prostratum, deindeque lectum ejus indicatum, id factum esse propter illos intelligendum est, qui Ogum forte non viderant. Ecquis enim vero non cognoscat multos procul ab hoc fuisse prælio, senes nimirum, pueros, feminasque? Immo cum Moses scriptis suis consulere posteritati debuerit, proculdubio intelligimus indicare debuisse cubile, quod in Rabbath diu servatum est, ut ex eo colligere posterius possent omnino, insolentem Regis hujus præceritatem, quæ incredibilis plane videbatur.

Cæterum de libro *Bellorum Domini* ita sentimus: Judæos post Joseph regnavisse in Ægypto, ac Reges habuisse omnino sex, quorum nomina in primo Paralipomenon legere est, nimirum Efraim, Beriat, Raffa, Resef,

Ief, Tale, & Taan, qui Ægyptia lingua vocantur à Manethone Salaatti, Beone, Apacnâ, Apof, Tenia, & Affi. Putamus itaque librum *Bellorum Domini* præsertim in hystoria hujus Regni versari, non enim satis intelligi queunt verba Psalmi 104. *Et intravit Israel in Ægyptum, & Jacob accola fuit in terra Cham. Et auxit populum suum vehementer, & firmavit eos super inimicos ejus*: nisi dicamus bellum aliquod Hæbreos inter, & Ægyptios ante Mosem extitisse; præsertim, cum inde prosequatur Psal. *Misit Mosem servum suum &c.* quibus indicare videtur, quæ narravit antea, etiam ante Mosem contigisse. Quod fecerat David prius psal. 77. ubi ait *Filios Ephrem intendentes, & mittentes arcum, conversi sunt in die belli*, ad quod bellum respiciens Paralipomenon auctor, narrat e stirpe Ephraim novem occisos fuisse à viris Geth indigenis, quia descenderant illuc, ut horum possessiones invaderent. Refertur etiam eodem loco filiam ejus Sara edificasse Berhorom inferiorem, & superiorem, & Ozensaram. Præterea legitur itidem Mered de stirpe Juda duxisse in uxorem Bethiam filiam Pharaonis; quod sane, si regnum non habuissent Judæi, fieri potuisse, vix credi posse videtur. Præterquamquod Manethon testatur, testaturque Apion, idque haud negat Flavius, sex fuisse in Ægypto hæbraicæ gentis Reges, quos Pastores appellant, imo hoc idem suadet Judæorum servitus

rus durissima sub Pharaone , quæ certe non tam humilis fuisset , & aspera , si Ægyptii minime experti essent quantum bello , & armis possent Judæi ; & rei militaris scientia in primis , regendique peritia suadent , quæ in Mose , & Josua apparuere , ac demum divitiæ Joseph , quæ omnia sane non suadere modo , sed persuadere prorsus queunt , Regnum in Ægypto , & non parvum , aut egenum habuisse Judæos . Quod autem attinet ad Bellum in Amalecitas , quod mandasse Moyfi Deus , ut scriberet , scriptumque non inveniri , ajunt adversarii , id tam falsum est , quam quod maxime ; nam , quæso unde vafri homines , commissum cum Amalech fuisse prælium sciunt , nisi ex Exodo , ubi præceptum , præliumque commemorantur ? Extat igitur certaminis narratio . Sed si res recte attendatur , non commisit Deus Mofi , ut prælium scriberet in libro ob monumentum , ac traderet auribus Josue , verum mandavit , ut in libro narraret , quod Mofi contigit , qui præliante Josue ipse cum oraret , quoties levabat manus vincebat Israel , quoties paululum remittebat , superabat Amalech , id , ut cognosceret Josue , scribere , & auribus illius tradere opus erat , non autem certamen , cui vir egregius non interfuerat modo , verum etiam profuerat . Ita librum *Fæderis* non alium fuisse præter alterum librum Pentateuchi certissimum est , tum quia exarata apparent in

Pentateucho mandata illa, quæ verba *Fæderis* decem appellantur, tum etiam quia hoc aservari Volumen in arca *Fæderis* iussit Moses. Alias si liber iste alius à libro Pentateuchi esset, consequeretur Decalogum, & circumcisionem extra *Fæderis* leges censerì debere, quo nihil est, quod absurdius dici possit, aut æstimari. Ad postremum denique sunt, qui respondent, mortem suam Mosẽ prænovisse, atque descripsisse illam, ne propter excellentem virtutem suam, raptum fuisset crederent Judæi, ac proclives ad Idololatriam cum essent, illum veluti Numen colerent: ita enim inter multos sentiunt Philo, & Flavius. At nos hac in re doctissimorum hominum opinionem sequuti, sine hæsitatione prorsus ulla affirmare non dubitamus, postremum Deuteronomii caput scriptum à Josue fuisse post Mosi ultimum fatum. Quæ sententia nititur traditione Rabinorum, qui à Majoribus suis acceperunt Mosẽ in Phage montis altissimi vertice, qui extat in illa Moabitarum regione, à qua pulsi Judæi fuerant ab Amorrhæis, & quam iterum occuparunt, fuisse à Deo collocatum; & licet scriptura doceat nulli Moyse sepulcrum notum fuisse, tradunt hi, Principi Synagogæ id semper fuisse palam; unde verba illa explicanda sunt ad hunc modum, quod scilicet cum uni tantum illud patuerit, nulli patuisse dicetur, ut ipse sacræ litteræ in more habent facere persæpe, que-



quemadmodum videre est Genesis 33. , ubi quærenti Abraham uxoris corpus sepulturæ tradere , respondere incolæ plagæ illius: *Nul-lusque te prohibere poterit, quin in monumento ejus sepelias mortuum tuum*, hoc est ut multi interpretantur *Vix ullus erit &c.* Et Exodi 10. quo loco de tenebris agitur , quibus virtute Moy-sis obtendebatur ceu velis Ægypti regnum , quas adeo crassas fuisse sacer textus asseverat, ut nemo eo temporis viderit fratrem suum , nec moverit se de loco in quo erat , idest , ut explicant interpretes , atque versiones nonnul-læ referunt *vix ullus &c.*

VIII. Postquam satis ut arbitror de Pen-tateuchi auctore disputatum est , ac satis qui-dem tempus constitutum , quo vixerit : videamus nunc , quædam ne eventura esse enuncia-verit, quæ evenerint reipsa , ut inde vatem fuisse Mosem colligentes , divino spiritu hos scri-psisse libros , tandem aliquando eruamus . Id enim omnium maximum momentum esse , cer-tissimumque , inter alia censet Augustinus .

Illâ autem primo loco commemoranda est Vaticinatio , quæ ex Jacobi verbis deprompta adeo clare effulget , ut non çque clarius sol mi-care in meridie videatur ; quam sane , ut intue-ri perspicue , atque introspicere valeamus , pla-cet nobis per ætatem omnem ducere illa ad ea usque tempora , quibus expleta fuit . Quod si longi fortasse erimus , id utilitate , flosculisque hy-storiæ pensitabimus . Jacob itaque cum sibi

ex-

extremum ingruere fatum cognosceret, vocatis ad se filiis suis, ita ominatus est illis. *Ruben, inquit primogenitus meus, tu fortitudo mea, & principium doloris mei, prior in donis, major in imperio. Effusus es sicut aqua, non crescat, quia ascendisti cubile Patris tui, & maculasti stratum ejus. Simeon, & Levi fratres, vasa iniquitatis bellantia. In consilium eorum non veniat anima mea, & in catu illorum non sit gloria mea, quia in furore suo occiderunt virum, & in voluntate sua suffoderunt murum. Maledictus furor eorum, quia pertinax, & indignatio eorum, quia dura: dividam eos in Jacob, & dispergam eos in Israel. Juda (pergit) te laudabunt Fratres tui: manus tuas in cervicibus inimicorum tuorum, adorabunt te filii Patris tui. Catulus leonis Juda, ad prædam fili mi ascendisti: requiescens accubuisti ut leo, & quasi leena; quis suscitabit eum. Non auferetur sceptrum de Juda, & Dux de femore ejus, donec veniat, qui mittendus est, & ipse erit expectatio Gentium &c.* Ex qua vaticinatione duo sane eruenda sunt Principatus Judæ propter viros strenuos; & non prius auferendum sceptrum, quam ille nascatur, qui mittendus est; idest, ut quamplurimi Rabini etiam fatentur, Messias: ad hæc porro respexit quoque Moyses, cum loquutus est in hæc verba. *Hæc est Judæ benedictio: audi Domine vocem Judæ, & ad populum suum introduc eum: manus ejus pugnabunt pro eo, & adjutor illius contra adversarios ejus erit.* Principio autem, ut vaticinationis hujusmodi expletam rationem

tionem omnem intelligamus animadvertere præstat, postquam Judæi exiere de Ægypto, ac primo castramentati sunt, principem locum Judam obrinuisse, primumque habuisse in muneribus afferendis ad tabernaculum, offerendisque; sed & sub Josue imperio Principatum inter tribus servasse, certissimum est, & post Josuam summa imperii pœnes Judam fuisse, clare colligitur ex Judic. lib., ubi gentem hanc legimus Jerusalem Civitate, quæ deinde totius Regni caput extitit, fuisse potitam. At tum in primis hujusmodi Tribus Princeps inter alias constituta videtur, cum David creatus, selectusque fuit Rex totius hēbraicę gentis, ac sceptrum à Davide, Salomone, Rhoboamo, Abia, Afa, Josaphate, Jora, Ocozia, Atalia, Joa, Ammone, Jozia, Joacazo, Joakino primo, & altero Sedecia per 465. annos ad servitutem Nabuchodonosoris usque in Tribu Juda servatum est. In mancipio autem illo habuisse Judęos sin Reges, judices saltem suos, qui judicarent, juberent, morte multarent, constat sane ex Susannę hystoria, ubi legitur. *Et constituti sunt de populo duo senes Judices in illo anno . . . . Isti frequentabant Domum Joakim, & veniebant ad eos omnes qui habebant judicia*: fuisse autem illos e Tribu Judę profecto apparet ex eodem Daniele senes istos increpante hisce verbis: *Semen Chanaam, & non Juda species decipit te &c.* Quod tempus servitutis quidem fuisse prænunciatum à Jacob, verba illa requis-

*scens accubisti ut Leo , & quasi Leena , proculdubio demonstrant . Porro autem , cum Judæi exceſſerunt ex mancipio isto , fuiſſe illis imperium etiam reſtitutum , patet liquido ex Artaxeris Longimani decreto , quo cautum eſt , ut conſtituerent ſibi judices , & præſides , ut omni populo judicarent , qui eſſet trans flumen , judiciumque eorum eſſet ſive in mortem , ſive in in exilium , ſive in condemnationem ſubſtantia , vel certe ad carcerem . Scimus autem , poſtquam Judæi in regionem ſuam reverſi ſunt , Zorobabel Principem conſtitutum habuiſſe , qui cum filius Salathiel dictus ſit , Salathiel autem de ſtirpe Sedecia , fuerit hic quoque de Tribu Juda , neceſſe eſt . Verum poſt reditum Judæorum in Patriam , cum permixtæ Tribus omnes eſſent , fuiſſe etiam omnes uno Judæ nomine vocatas , certiſſimum eſt ; quæ cum prima ( nimirum Tribus Juda ) ut loquitur Neemias , in illa loca veniſſet , tota Regio in eam ceſſit appellationem . Quod prænuſſe , prænoviſſeque Jacob tam certum eſt , quam quod certiſſimum . Quid enim innuere voluit ipſe Jacob , quando Simeoni , & Levi ſe velle eos dividere in Jacob , ac diſperdere in Iſrael predixit : niſi dicamus ſignificaiſſe futurum , ut Tribus hujusmodi ſine nomine eſſent , vitamque ducerent ſubobſcuram , ac fieri aliquando debuiſſe , ut Judas adorandus , ut ipſe loquitur , venerandusque eſſet à fratribus ſuis ? Igitur qui regnarunt in Juda poſt*

post Zorobabel, licet e Levitica Gente fuerint, quoniam permixtæ res omnes erat, fuisse etiam ex Tribu Juda, quæ totius Populi una erat Tribus, ac propterea nondum ablatum à Juda sceptrum fuisse, fateamur necesse est. At tum certe eripuisse illud Herodem Ascalonitam dicemus, cum interficere iussit *Sanhedrin*, quod erat Judicum cætus: contigit id autem biennium ante Christi ortum, uno dempto Babba filio Bota, qui Regis fuit Consiliarius: qua de causa iidem Judæi mortem Christi poscentes, furorique illorum tradere Christum cum vellet Pilatus, responderunt, *Nobis non licet interficere quemquam*; quibus sane ereptum illis fuisse sceptrum facti sunt, quod tamen tenuerunt ad illa usque tempora: igitur expleta tum fuit Jacobi vaticinatio: quæ certe cum fieri humanitus non possint, sed cum fieri divinitus petant, divinum esse librum, qui hæc complectitur, vel perspicue demonstrant. Scimus Natal. Alex. hanc Jacob vaticinationem ad universum Judæorum genus traducere: sed perperam; hoc enim felix, fortunatumque omen proprium fuit Judæ, si pater filiis singulis singillatim est ominatus, ut revera ominatus est; præterquamquod nisi eandem teneamus viam, quam Judæi servant, qui de uno Juda id dictum volunt, nihil contra illos quidquam colligemus.

Præterea in Gen. narrat Moses dixisse Deum

Deum Jacob dormienti: *terram in qua dormis tibi dabo, & semini tuo*, non dedit autem, nisi diu post mortem Moſis, vaticinatus igitur eſt, cum hæc præſunciavit. Sed ante Jacob, an montem neſcimus, quo immolandus erat Iſaac appellatum montem *Dominus videbit*? ut intelligerent Judæi Deum viſurum eſſe in monte illo populum ſuum ( ut. traditio Judaica fert ) quem vidit re ipſa poſt ædificatum Templum, quod in Moria monte extructum cum fuerit, fuiſſe in montis vertice vulgo *Dominus videbit* collocatum oportet? At quoties, bone Deus, id etiam aliis, in lib. non indicavit Judæorum Dux, præſertimque cum deuter. 12. de iis loquens, quæ ſervare debebant Hebræi in terra, quam daturus erat illis Deus, dixit: *Cave ne offeras holocauſta in omni loco, quem videris, ſed in eo, quem elegerit Dominus in una Tribuum tuarum offeres hoſtias, & facies quæcumque præcipio tibi*. Scimus autem ex lib. Reg. ann. 440. Moſis mortem inter ac Templi molitionem fluxiſſe. Quid eſt igitur, quod nobis faceſſere negotium poſſit, ne credamus eodem divino Spiritu, quo divinus Vates hæc præſunciavit, ſcripſiſſe etiam? Sed vultis decretoriam vaticinationem, quæ vocari in dubium minime poſſit? illa certe ſumi poſſet ex eo, quod Moſes prænovit futurum, ut aliquando Judæi Reges haberent ſuos; inquit enim Deuter; c. 17. alloquens populum ſuum: *Cum ingreſſus fueris terram, quam Dominus Deus*

*tuus dabit tibi, & possederis eam, habitaverisque in illa, & dixeris constituam super me Regem, sicut habent omnes per circuitum nationes, cum constitueris, quem Dominus Deus tuus elegerit de numero fratrum tuorum &c.* quod sane adeo clarum, perspectumque habuit, ut eodem loco præscripserit quoque leges ad Reges futuros moderandos, continendosque in officio: atqui Reges non incepere apud Judæos nisi anno mundi circiter 2929. quo tempore Saul electus, designatusque est à Deo, ut populi regimen haberet, ac Rex appellaretur: igitur cum vixerit Moyses anno 2792. Reges autem habuerint Israelitæ anno 2929., 137. annos ante, hæc Vatem nostrum presensisse necesse fuit (quamvis juxta verum scripturæ calculum id molto prius Moyses vaticinatus sit) Sequimur autem positam superius Epocham.

Illam porro si vacaret exponere Poësim, quam cecinit Moyses prope mortem, illam inquam exponere si vacaret, vel clarissime ostenderet multa prænovisse illum, quæ plurima post sæcula cecidere (cum præsertim ibi commemoratam intelligamus servitutem, quam modo obstinatissimi Judæi ferunt, ac futurum erit, ut patiantur ad mundi exitium) quod tamen prætermittimus, ne longum nimis facere videamur. Verum cum liquido constet Vatem fuisse Mosem, ac propterea divino Spiritu movente intus, isthæc litteris tradidisse, quis inficias iverit Pentateuchon libros divinitus scri-

scriptos esse à Mose; quasque Deo distante ?

At id, qui negant, videant quæso, num iis momentis fulti impellantur ad accusandum, quibus nos stipati ad defendendum movemur. Namq; in re gravissima, qua de agitur non sufficit quæcumque conjectura ad deliberandum, ut Criticæ artis magistri docent, & ad traditionem antiquissimorum temporum, ac nationis integræ litteris, & armis florentissimæ perturbandam, evertendamue. Quantum autem in se ponderis habeat res, quam tractamus, vident omnes, qui in hisce libris Judaicam, ac Christianam Religionem egisse olim, & nunc etiam radices agere, vident.

IX. Cum satis, ut opinor contra recentiores Atheos de Pentateuchon libris disputatum sit, satisque ostensum libros hosce divinos esse, quasque à Deo Mose dictatos, nunc ad totius disputationis nostræ absolutionem nihil omnino superesse aliud videtur, quam ut statim cuncta, quæ nobis opponunt examinemus diligenter, ac totis lacertis refellamus, quod quidem agentes ita placet cum adversariis nostris exordiri.

I. Pentateuchon Volumen divinum esse vel colligimus ex ejusdem voluminis auctoritate inquirunt, vel ex monumentis ab antiquitate profana petitis. Si primum id quod in dubio est, probamus eo suffragante volumine, quod item in dubio est, proindeque dialectici iniquo splendore clamabunt, nos joculari errore de-



deceptas petere principium, aut in Pyſtillo verſari : ſi vero id confirmatum volumus momentis ex ruderibus Gentilium depromptis, non religionis veritas conſtabit, neque majorum auctoritas fidem faciet, proptereaſue fide divinitus miſſa Pentateuchon veritatem non vindicabimus, quod cum abſonum, abſurdumque ſit, nihil nobis, inferunt, antiquius eſſe debebit quam credere ratione prorſus nulla poſſe nos contra impios Atheos Pentateuchon divinitus datum eſſe defendere.

2. Quod ſi arbitramur id poſſe nos colligere ex miraculis à Moſe patratis, proſecto inquiunt hallucinamur, non enim certum eſt illa Moſem egiſſe ope Dei potius, quam Demonis, ac prodigia fuiſſe illa potius, quam præſtigia. Immo ſi recte res ponderetur ſuadet, inquiunt, potius Moſis vita, hunc nefarium hominem fuiſſe, cum inimicum interemiſſe conſtet, ſolitumque fuiſſe ſemper audere quidquam brevibus giarys, ac carcere dignum.

3. Neque Legis ab eo latæ æquitas, ac prudentia ad id demonſtrandum argumento eſſe poteſt, cum ſciamus ( pergunt ) Moſem Uxoris repudium dimiſiſſe ſuis; odium in hoſtem conceſſiſſe; ac Idololatriſ ſcœneratam dare pecuniam non vetarſe; qua de cauſa ſcimus Chriſtum legemeam abdicaviſſe, deleviſſeque omnino illam, inquiunt, quam, graviſſimum onus Petrus non ſine ſano conſilio appellavit.

4. Sed illud in primis volumen hoc mini-

D

me

me scriptum esse divinitus declarare arbitrantur, quod homines nullam hujus revelatæ religionis indigentiam habebant, nullaque cogebat necessitas ad ea scribenda, quæ in Pentateucho continentur, sive hystoriam respicere velimus, sive legem, sive reliqua omnia, quæ hoc volumen præsefert: ex eo quippe, quod homines bene, beateque vivere potuerunt per annos 2792. sine lege ulla scripta, cæterisque præsidiiis, quæ à Mosaicis libris fluxere, intelligimus sane humanum genus Mose indiguisse numquam, proptereaque supervacanei isti libri cum sint, Deum nequaquam auctorem habere creduntur.

5. Quid? quod Angelorum procreationem (inquit Julianus Apostata) hisce in commentariis commemoratam non legimus, sed mundi tantummodo molitionem, quam neque clare descripsit, neque universam, nihil de naturæ viribus, nihil de abyfso loquens, sed ea exponens tantum, quæ vulgi opinionibus erant accomodata?

6. Quid inquit? Quod multa, quæ vera sunt fabulis commaculavit, Paradisum comminiscens voluptatis, hominem ex luto confectum, sæminam ex viri latere deductam, ac loquutionem vanissimam Hevæ cum colubro, quæ certe cuncta purum redolent commentum, putumque; impietatem vero redolent maximam, (pergunt) quæ de Deo narrat, pingens illum ambulantiem, molientiē, alloquentem,

tem, quibus sane negat Deum esse *Asomaton* puramque mentem solutam, & liberam ab omni concretionem mortali? Librum ne dicemus divinum, qui isthæc insana, & impia complectitur? hætenus illi.

X. Sed qui ista ajunt, sane pueriliter ajunt, nam quid levius dici potest, quam, quod majorum auctoritate creditur, id sine ratione credatur? Religione etenim amplectimur, quæ momentis etiam rationis confirmamus: hæc nimirum momenta, sunt, quæ nos movent, siquidem ad assensum rei obscuræ præstandum: (*quæ à nostris motiva credibilitatis vocantur*) illa vero, nempe religio, ratio est intima, & intestina credendi, alias sine ratione crederemus, proindeque non ut homines crederemus. Ita cum divinos Pentateuchon libros propugnamus, idque contra Atheos auctoritate exterorum, ac ratione ostensum volumus, nefarios homines humanis momentis urgemus, ut volumen divinum credant, quod certe religionem non tollit. Nihil temere dico: Audiamus enim vero Augustinum hæc omnia vel clarissime confirmantem, qui agens de ratione credendi quadam, inquit: *Hæc causa dupliciter nos movet, partim miraculis, partim credentium multitudine: nihil eorum est necessarium sapienti, quis negat? Sed id nunc agitur, ut sapientes esse possimus, idest inherere veritati: hætenus divus Pater; ex quibus profecto apparet, qui credunt nulla indigere ratione,*

ne, qua ad credendum impellantur, sed indigere siquidem illa, qui non credunt, non ut sciant, vel ut cognoscant, verum tantummodo ut credant, quæ videri, aut cognosci non queunt. Quis est igitur, qui ignoret fieri non posse, ut sciamus, ac cognoscamus omninò sacras litteras, afflante divino spiritu fuisse exaratas? Igitur nihil momenti plus habent ratio, & profanorum auctoritas, quam ut per illas ad credendum agamur.

Porro ridiculum non minus est, quod secundo loco addunt: etenim ope dæmonum non fuisse patrata ab illo prodigia ex eo apparet in pimis, quod pravam magiæ artem non semel, aut bis, sed locis fere innumeris Moses prohibuit; præsertimque Exod. 22. V. 18. Levit. 20. V. 6., & Num. 23. V. 23. Deuteron. 18. V. 10. quod proculdubio expresse, discreteque non fuisset, si hanc adhibuisset ille, quoniam, quæ necessaria ad originem videntur, videntur & necessaria ad progressum, ut Philosophi docent, ac proinde illam adhibente Mose ad religionem promulgandam, adhibuissent cæteri ad retinendam. Illud autem vel maxime declarat Mosem, Deo uno illi prebente opem, miracula edidisse sua, quod legimus apud laudatos profanos scriptores, nomine totius universi Moderatoris petiisse Judeorum ducem ab Pharaone populi liberationem Judaici, quo nomine, cum omnes factorem, Gubernatoremque universi intelligant, certe dæ-

dæmon ad id confirmandum, quod illi adverbatur maxime, opem non tulisset. Quanto magis autem id ostenditur, cum Mosem virum justum fuisse, demonstratur? qui certe propter virtutis excellentiam Musæi, ac Mercurii nomine celebratus, adoratusque est à Gentilibus, ut videre est apud Eusebium. Neque enim vitio verti debet illi, quod hominem occiderit, propterea quia vindicavit quem *injuriam patientem viderat*, ut loquitur Sanctus Stefanus Protomartyr; potissimum vero, *si id æquitatis studio provocatus fecerit*, ut Ambrosius fidem facit, quasque Deo impellente, ut Basilii, & Augustinus testantur. Non enim alia de causa post commissum facinus fugæ sese dedit, nisi quia *pavebat*, se temere in prævisum periculum iniicere, ut loquitur Crisostomus, ac dominum suum pertentare; non quod timuerit Regem ulciscensem, ut perperam obtrectatores dicunt. Unde Apostolus scripsit, *Mosem fide reliquisse Ægyptum, non veritum Regis animositatem*, fide scilicet, recte cum crederet, Dei virtutem experiri velle, nefas esse. Cæterum quamvis daremus peccasse Mosem, non proinde consequeretur illum deinde justum, ac pium non fuisse virum. Nam ille *animi motus*, (inquit Augustinus, qui utramque opinionem probat) quo Peregrinum fratrem à cive improbo injuriam perpetientem, non observata ordinis potestate inultum esse non pertulit, virtutum fructibus fertilis erat, sed adhuc incultus, vitiose quidem, sed

*magna fertilitatis signa fundebat ..... Ita illa Pauli sevitia , cum secundum emulationem patrum traditionum persequeretur Ecclesiam , putans officium Deo , se facere , tanquam sylvestre erat vitium , sed magnæ feracitatis indicium : ita Petrus cum auriculam dexteram persecutoris abscidit &c.*

Ad legem vero , quod attinet , duo distinguenda sunt , alterum quod spectat ad eam legis partem , quam divinam appellamus , in qua tota quanta est ratio collocata est religionis : alterum quod solum respicit ingenium nationis hujus , tempora , mores , & loca ; priorem appellabimus universalem legem , posteriorem particularem dicemus , æterna altera , altera temporaria fuit , prima decalogi præceptis comprehensa , scripta à Deo quidem , confirmataque à Christo , altera Moysi tradita , & repudiata à Christo . Qui propterea quia viderat temporariam esse , atque peculiaris Gentis , illa adventante , quam mundus complecti universus tenebatur , in cætum antiquarum rerum amandam esse duxit . Hæc autem lex particularis erat , neque inficiamur vitiis scatere potuisse , utpote quæ accomodata erat hominum ingenio vanissimorum , ac propterea solis Hebræis data . Unde apparet non studuisse Mosem Socerum hortari Jethronem , ut illam susciperet , neque Jonam Ninivitas , nec alios Sacros Vates Caldæos , Ægyptios , Sidonios , Tyrios , Idumæos , Moabitas , quibuscum rem

rem habuerunt Judæi, testanturque idem Talmud, ac Maimonides, quam profecto non servavere Abel, Noe, Melchisedech, Jacob, cæterique ante Mosem. Non enim, quod ipsa vetebat, vetebat quia malum, sed malum erat quia vetitum. Quis autem est qui ignoret ad hanc legis partem spectasse Uxoris repudium, fânori dare, hostes odisse, & quam propter præceptorum ingentem numerum jure optimo gravissimum jugum Petrus appellavit? Igitur respui, delerique potuit cum temporaria esset, non secus atque illa, quæ in deserto servanda erat, quam legimus Deuteron: 23. aut illa, quæ Judæis præcepta sunt quoad cum Kanahaneis vixere. Porro nos, qui defendimus Christum delevisse illam, defendimus etiam Christum esse Deum; qui dedit igitur, si & tollere potest, abstulit Deus, qui idem dederat, atque aliam invexit perfectiorem proculdubio, quoniam etsi perfectiora semper divina virtus effecta progignat, item perfectiora progignere semper potest, alias infinita non esset. Non enim defendimus omnium perfectissimam Moisis legem fuisse quoad partes omnes, & quoad omnes articulos cum præteritos, tum futuros, tum à Deo, tum ab homine datos; sed dicimus legem Moisis quoad decalogum omnium fuisse absolutissimam, a Christo confirmatam; unde docuit *Se non venisse ad legem solvendam, sed adimplendam*, quæ verba de lege decalogi intelligenda esse docent ad unum omnes In-

terpretes Sacri : dicimus Porro Mosis legem quoad partes omnes optimam fuisse si comparatur cum Gentilium legum decretis . Quæ sane sufficiunt , ut inde colligamus non potuisse nisi divinitus dari Moisi , cum satis percipi non queat quid fieri potuerit , ut unus homo naturæ viribus tot egregiis viris in ferenda lege præstiterit .

Quantum autem semper humanæ leges ad societatem conduxerint , certe norunt ii , qui quantum effrenata sit hominum cupiditas , quantumque ingenium ad libidinem proclive , norunt . Necesse itaque fuit , ut homines , qui diutissime cum Ægyptiis , hoc est cum idololatris vixerant , quorumque religione aliquando occupati fuerant impeditique , præscripta haberent quedam , quibus facilius , & quæ sequenda essent , queve fugienda cognoscerent . Etenim nullo negotio prius majorum traditiones poterant inviolatas accipere , quæ facile per Genealogias duodecim Patriarcharum , ex quorum stipe filii Jacob profluxerant ad Noe usque ascendere quiverant , indeque per novem Genealogias commode usque ad Adam : Neque indiguerant prius particularibus statutis , qui vixerant in aliena regione , quasque semper sub exterorum imperio , quamvis , & hæc habuisse tum scimus , circumcisionem nimis , quæ data Abrahæ facile servari in hac familia potuit , atque ad universos Hebræos traduci , qui ex Abrahæ genere omnes erant , At non item cum



cum ex Ægypto evasere, quo in loco multiplicati  
 cum essent super numerum, ut ipsæ Sacræ Litteræ  
 testatum faciunt, & cum Idololatræ rem ha-  
 buissent diu, facillime quidem traditiones ma-  
 jorum violare poterant, atque cum præsana  
 religione miscere: cumque Regno suo positum  
 iri deberent, legibus etiam quibus contineren-  
 tur (quoniam legibus imperia continentur,  
 ut Solon ait) ac firmarentur egebant. Hæc  
 igitur in causa fuere, cur Deus tradere volue-  
 rit eo tempore Judæis cuncta quæ in Pentateu-  
 habentur. Quod si isthæc obstinatissimis Atheis  
 non satisfaciunt: quia id a divino placito pen-  
 det, fatemur vel libentissime nullam ratio-  
 nem, nullamque invictissimam demonstratio-  
 nem indicare nos posse. At si non constet de  
 causa, effecta ne propterea neganda sunt? Cer-  
 te nemo maritimos æstus negabit, & si mea-  
 tus, commeatusque maris causam, rationemque  
 ignoret.

Veruntamen testamentum vetus, ut Au-  
 gustinus disserit, ad novum testamentum or-  
 dinatum cum sit, ibique præsertim hystoriâ il-  
 lius Gentis contexta, ex qua ducturus Messias  
 erat originem, qui sane non ex Angelorum  
 cætu, sed ex hominum rrahare ortum debebat,  
 nil mirum igitur si Moses hæc tantum respi-  
 ciens, prætermisit Angelorum describere pro-  
 creationem, eam dumtaxat, quæ hominum est,  
 contentus exarasse: quamvis contendant non-  
 nulli tum indicatum fuisse Angelorum ortum,

cum

cum Cælorum , ac lucis molitio descripta fuit . Sed neque minute disputare de rerum natura propositum habuit Moses , aut de rerum primordiis , aut de elementis . *Nam quid attinebat , inquit Sanctus Cyrillus Alexandrinus dicere qualis esset aquarum natura , aut quod primordium habuerit ? Quid erat necesse abyssos metiri , cælique naturam , aut quomodo Angeli extiterint curiose inquirere ? Et Paulo post. Age vero ( pergit ) quanta perspicuitate , & facilitate libros de Mundi creatione divinus Moses conscripserit , quam accurati sint illi , quamque nihil superflui habeant , age , demonstremus . In principio , inquit , fecit Deus Cælum , & Terram . Non enim , ipse jam , ut quidam , materiem cum Deo principii expertem , coeternam , & ingenitam intelligi finit , & quod aliquando non erat cum aeterno concurrere , ac simul existere , nec cum eo , qui idem semper est , id , quod mutatur , cum incorruptio , id , quod corruptioni subest . Immo tempore , ac principio vocante ad ortum res creatas desinit tamquam ex nihilo Dei voluntate , ut essent id , quod sunt , eductas ..... Cum igitur Moses ait : In principio creavit Deus Cælum , & terram , intellige summam , ac veluti in compendium collatis omnibus universam rerum creationem exponere ; tum artificiose progredi ad explicandum qua parte singula fuerint exornata , & unaquæque res creata existentiam suam maxime fuerint adepta , nempe verbo potentissimo , ipsum , ait , condidisse omnia . Hæc tenus Cyrillus . Itaque cum historicum hic egerit*

egerit Moses , & non philosophum , dicimus  
hystorici munus optime , laudateque explevisse .

Sed ( proh hominum , Deumque fidem ,  
& quid est , si hæc maxime dementia non est ? )  
fabulas esse que Moses narrat de Paradiso , de  
hominis , fæminæque origine , ac de colubri  
loquutione arbitratur Julianus Apostata , impia  
vero , quæ de Dei sermone , ambulatione , cæ-  
terisque refert : & commentitia porro , ac pla-  
ne scenica secum ipse non reputabit Hesiodi  
Pandoram , lutum Promethei , ortum Jovis ;  
scelerosa autem , & impia , quod Afer ait *Vē-  
nisse Deum clanculum per impluvium fucum factum  
Mulieri : at quem Deum ? Qui templa cæli sum-  
ma sonitu concutit .* Qui igitur divinæ virtutis  
rationem habebit , ille fabulas esse , que Moses  
retulit de Adamo , & Æva minime dicet , ve-  
rum in iis introspiciet condentis Dei faculta-  
tem , ut Cirillus testatur , potestatemque ,  
qui ne homo superbus fieret , & insolens è ter-  
ra cum omnium elementorum humillima constla-  
vit , & ne cum uxore jurgii causam inferret , sed  
eam summo prosequeretur amore , illam velu-  
ti ex viri corde eduxit : nil mirum autem si  
mulierculam simplicissimam vix in lucem edi-  
tam dæmon sub Colubri forma fefellit , quæ  
sermonis usum fuisse & brutis animantibus  
datum inexperta adhuc , & rudis credere nullo  
negotio potuit , ut pueri nostri , puellæque fa-  
ciunt . Non enim ex conjectura levissima , aut  
suspensione potius id fas est negare , quod vali-  
dis

diffimis momentis confirmatum est , propterea quia per urgentissimas rationes tollitur suspicio omnis , adeo ut credendum etiam sit , quod satis non intelligitur : ita Criticæ artis auctores ratiocinantur . Quare concludendum est Pentateuchi volumen divinitus fuisse datum neque ad divinitatem ejus evertendam contra momenta invidiissima suspensionem ullam valere . Fatemur tamen id proculdubio ostendi posse , si Mosem male de Deo sensisse ( ut illum perperam accusat Julianus ) ostendi item , demonstrarique posset : at quis , amabo , nisi stultus sit , planeque amens furore non videt , quando introducit in Pentateucho Deus loquens , ambulans , condens , id per schemata quædam fieri , quibus refertissimæ sunt linguæ omnes , quas orientales dicimus , sed hæbraica imprimis ; non autem ex eo colligendum esse propterea Deum corpore constare , quod nunquam credidere Judæi , licet isthæc fere quotidie percurrerent . Licitum quippe non est ( inquiunt Critici ) ex antegressis colligere , aut inferre quidquam etsi id ipsa , quæ antegressa sunt fieri posse suadent , si illud , iis tamen , quæ sequuntur expresse , ac directe opponatur : nimirum quia clara petunt cum claris item comparari . Cum igitur , qui Deum veluti condentem inducit , sciamus testari non molitione quadam , sed uno verbo fecisse omnia *ipse dixit , & facta sunt* : sciamusque , qui Deum ambulantem , loquentemque introducit , testatum

tum etiam reliquisse Deum videri non posse ,  
 Deum nomine carere , Deumque esse spiritum  
 æternum , & immortalem , quis unquam ausus  
 erit negare Deum Mosis, esse *Asomaton* , ac pu-  
 ram mentem solutam , & liberam , & secre-  
 tam ab omni concretionem mortali ? Quinetiam  
 Etnici ipsi quibus sacrę litterę notæ fuere ,  
 inter quos summus vir , ac nobilis Dionysius  
 Longinus fatetur , neminem invenisse in uni-  
 versa antiquitate unum , qui ita Dei dignita-  
 tem , ac sublimitatem tum in patrandis operi-  
 bus servaverit , cum in jubendis , committen-  
 disque , quam Moses . Igitur tum ex illis , qui-  
 bus probavimus , tum ex his , quibus adversa-  
 riorum commenta , & captiosas , ac fallaces  
 argumentationes refellimus , satis constat ( opi-  
 nor ) Pentateuchon divinitus , ac quasi Deo  
 dictante fuisse exaratum . Longior fui forsam  
 in rebus hisce explanandis , quam necesse fuit .  
 Verum , & argumenti gravitas , & memoria  
 tui , quem præsentem habere colloquentemque  
 suavissime , ut soles , ipse mecum reputabam ,  
 ita me recrearunt , ut Orationem properantem  
 ad finem , quandoque cohibere conarer . Vale  
 vir suavissime , & hæc qualiacumque sint , æqui,  
 bonique facito .

A. R. P.

FRANCISCO ANTONIO GERVASI

*Franciscana Familiae Theologo, &  
Concionatori Eximio*

F. FRANCISCUS MARIA LEONI

S. P. D.



Uæ scripsi de Pentateuchon auctoritate; tibi, tuique similibus sum-  
mopere placuisse valde gaudeo.  
Ex hoc enim intelligo, probata  
mihi illa esse debere, quæ vobis  
Viris summis gravissimisque mi-  
nime improbata fuere. Porro  
autem si facio quod jubes (jubes autem de vi,  
& usu humanæ rationis in rebus Theologiæ  
non nihil ad te scribam) si facio inquam quod  
jubes, timeo sane, ut judicium tam benevo-  
lum sim amplius reportaturus, cum soleant  
homines in singulis causis de omni ingenio ju-  
dicare; vereorque potissimum, si antiquos er-  
rores refuto, ne actum agere videar, si vero  
recentissima commemoro, eaque refello, ne  
mihi in rebus obscurissimis, perque ardua, &  
abrupta contendenti, offendere contingat. Fa-  
cillime namque inventis addimus, difficillimum  
est

est invenire . Verum si amico honesta petenti resistere non debemus : age jam examinemus quanti in Theologica palestra ratio humana facienda sit , quod sane fuit , quod à me nuperrime litteris tuis flagitasti , quodque hortatu , aut potius jussu tuo ( Deus bene vertat ) tractare suscipiam .

Principio autem video me cum duplici hominum genere congregiendum esse . Sunt etenim nonnulla , que rationem humanam , susque deque habendam esse putant , præsertimque à finibus Theologiæ eliminandam , exterminandamque esse , contendunt : Sed alii sunt , qui tantum rationi tribuunt , ut huic potius , quam Religioni manus dandas esse decantent .

Primam sententiam sunt , qui ab Cornelio Agrippa , Averroe , Pomponatio , ceterisque derivant , quos proscriptos ferunt ab Leone X. Lateranensis Synodus cum definit *Verum vero minime contradicere, omnemque, assertionem veritatæ illuminatæ fidei contrariam , omnino falsam esse ,* nimirum hujusmodi homines ex Aristotelis Philosophia minime probari posse immortalitatem animorum nostrorum contendentes , impia dogmata imperitæ multitudini venditabant , nescientes impiam consuetudinem esse contra Religionis placita disputare , *Sive id ex animo fiat , ut Cicero ait , sive simulate !* Verumtamen tunc in primis seviit præstis hæc in Christianas gentes , cum Ludovicus Meyer Amstelodami Medicus librum , cui titulus *Pbi-*  
lo-





nequaquam daret. Quin etiam sunt adhuc, qui ita cum non rationalium (ut ipsi vocant) hominum obstinata sententia pugnant, ut non tandumdem hi tribuant rationi, quantum detrhaunt illi, sed ei ampliora quædam largienda esse contendunt. Isti quippe, cum de Religione agitur, Divinaque doctrina rationi universæ vale dicunt. Hi vero in rebus iis, quæ ad Dei cultum, pietatemque pertinent sic adsciscendam esse rationem putant, ut existiment judicem divinarum rerum, quæ in sacris litteris continentur, esse rationem.

Quæ opiniones profecto, cum tam dissidentes sint, tamque inter se discrepantes, fieri quidem potest, ut earum nulla, fieri autem non potest, ut plus una vera sit. Sed de diverticulo in viam. Qui rationem Theologiæ præstare volunt, ii Sociniani sunt, qui naturæ lumen sequentes, quæ rationi oppositi videntur, cuncta predicant funditus extirpanda.

Qua in re adeo turpissime errant, ut doctrinam quam à Majoribus accepimus de Trinitate, de Incarnatione, de Divina gratia &c. utpote quæ humano lumini, ac Philosophiæ opposita videatur, repudiandam esse decernant. Atque hoc modo ex damnatæ antiquitatis Ruderibus, quasi postliminio revocare non desinunt, quæ Ariani, quæ Photiniani, quæ Pelagiani commenti sunt, quorum nomina, & errata jampridem ab Niceno, Constantin-

stantinopolitano, Arauxicano, & aliis pluribus Conciliis damnata, utinam ita delivisset tempus, ut in memoriam hominum, quemadmodum hi pessime faciunt, rursus revocari non possent.

I. Verum exordiamur ab iis, qui non modo secretam, remotamque rationem humanam volunt à Religione, sed ulterius, quæ Religio docet, quæque ratiocinando esse qui non valemus, ea sane adversari naturæ lumini, volunt; & ostendamus, quæ Religio docet vim, & aciem humanæ intelligentiæ, fugere quidem posse, minime tamen huic opponi, immo vero rationem fidei persæpe opitulari.

Principio autem id ostendi potest ex revelatæ Religionis vi, atque natura, quæ talis est, ut cum naturali religione maxime conjuncta, & copulata esse videatur. Quis enim non videat, antequam Idololatriæ persuadeamus, aut suadeamus Atheis, esse Deum Trinum, qui, quæ sequenda sunt, quæ fugienda, præscripsit, necesse esse, ut ratione quidem, atque momentis à Philosophia petitis prius demonstremus, extare Deum, unum sane, ac rectorem, Gubernatoremque Universi, qui sit mens soluta, & libera, & secreta ab omni concretionem mortali? Si autem hæc naturali ratione præstamus, quandoquidem naturæ religio à naturæ lumine, atque à ratione orta est: quispiam per se intelligere etiam potest, sæpe revelatam religionem  
ratio-

rationem humanam sibi adsciscere . Quando  
autem auctoritate Majorum probare student  
Adversarii nostri , nullum esse rationis usum  
in Theologiam : nos contra eorundem Ma-  
jorum auctoritate probamus item Theologiæ  
non semel rationem fuisse opitulatam . Por-  
ro autem id vel in primis colligere possumus  
Act. 4. 20. 2. Petri 1. 16. 18. 1. Cor. 15. 5.  
& 6. quibus in locis videre est , libenter Apo-  
stolos ad testimonium sensuum externorum  
provocasse : multoties etiam ad sensum int-  
imum , & intestinum , præsertim vero Paullus  
1. Cor. 11. 13. ubi loquitur in hæc verba .  
*Vos ipsi judicate : decet mulierem non velatam*  
*orare Deum ? & 10. 15. Ut prudentibus loquor ,*  
*inquit , vos ipsi judicate , quod dico .* Rom. au-  
tem 8. 24. nuncne Apostolus spei descrip-  
tionem ex humana Philosophia duxit ? *Spes au-*  
*tem , quæ videtur non est spes , ait : nam quod*  
*videt quis , quid sperat ;* hæc autem si recte pon-  
derentur maxime facere possunt ad ostenden-  
dum rationis usum licitum esse in Theologia  
ad ea saltem demonstranda , quæ revelata re-  
ligio ex naturali religione quodammodo hau-  
sit . Fateor siquidem plura esse dogmata , quæ  
nobis sola religione illuminata , ( ut loqui-  
tur Lateranense Concilium ) , innotuerunt :  
ajo tamen nonnulla ex illis , Divinis non  
modo oraculis , sed ratione etiam humana  
maiores nostros comprobata voluisse . Hujus-  
modi est illud Joannis 4. 24. *Spiritus est Deus ,*  
E 2 & eos

& eos qui adorant eum, in spiritu, & veritate, oportet adorare: & illud Luc. 24. 39. *Palpate, & videte, quia spiritus carnem, & ossa non habet, sicut me videtis habere*; quibus verbis persuadere Christus Dominus volebat Discipulis suis, quod naturali ratione cognosci non poterat, se vere scilicet e mortuis surrexisse. Attamen non solum in iis adhibitam fuisse rationem, compertum est, verum multo magis in sacrarum litterarum interpretatione sæpe illam Apostolos adhibuisse, tam mihi certum est, quam quod certissimum. Iterum Paullus illa verba interpretans, *Omnia subiecit sub pedibus ejus*, colligit, ratione duce, Patrem non propterea seipsum Filio subiecisse: atque altero etiam in loco ex ea sententia: *Adam primus factus est animal vivens*: infert Apostolus, quod animale, quod est, ad regnum Dei spectare non potest: item ex iis verbis: *Benedicentur in eo omnes gentes: justus ex fide vivit &c.* concludit non per legem, sed per gratiam hominem justificari.

Quid? quod idem Apostolus non quodcumque obsequium præstandum nobis esse fidei existimavit, sed *obsequium rationale*, quod nempe potissimum deceat animal illud, quod particeps, & compos rationis est, quodque si proclive nimis sit ad credendum, in illam turpem notam incidat, oportet, qua inuruntur Ecclesiast. 19. 4. *Si homines, qui leves corde appellantur. Quod si nihil prorsus virium,*  
& fir-

& firmamenti ad sacram doctrinam, quodammodo roborandam, firmandamque humanum lumen haberet, cur ad purgandam, & ad acuendam ingenii aciem Deus Salomoni infudisset humanarum rerum, causarumque scientiam, *Ut sciret dispositionem Orbis terrarum, & virtutes elementorum, divisiones temporum, stellarum dispositiones, naturas animalium, vim ventorum, differentias virgultorum?* Non enim D. O. M. sapientem præ omnibus Regem hunc vocavisset, nisi hæc voluisset ad sapientiam plurimum posse conferre.

II. Præterea. Qui fieri potest ut refellere Idololatrias multos, multosque Atheos valeamus ( quorum agmen, qui adorti sunt, utinam non cogissent modo, verum etiam omnino disperdissent: ) nisi ab humana ratione, & ex lumine Phylosophiæ argumenta depromantur ad conterendos rudes homines, perditosque? & sane non alia de causa Clem. Alexan. Strom. l. 1., scientias humanas omnes Theologo necessarias esse putavit, nisi ut nullo negotio *Phylosophos Paganos* lucrari posset, atque hoc modo unusquisque perfectus Christianus redderetur, ut etiam l. 5. auctor disertus ostendit, exemplum hac quidem in re Apostoli sequi velle profitens, qui docere se aiebat, in omni sapientia, *Ut exhiberet omnem hominem perfectum in Christo.* Quod sane ponderans Augustinus *Per humanam scientiam, dicebat, non nutriri modo, & defendi, sed gi-*

*gni fidem* : & passim solitum fuisse virum summum hæc proferre, accepimus : *Alia esse, quæ nisi intelligantur, non creduntur, alia quæ nisi credantur, non intelliguntur*. Quod si idem Vir sanctissimus Manichæos castigandos esse duxit, qui repudiare omnia consueverunt, jure id quidem duxisse, censemus, ut aliquando scilicet nefarii homines joculari errore agnoscerent, in quo versabantur, ac faterentur tandem rationem nunquam religioni præpositum iri debere, quamvis nonnumquam opitulari illi, queat. Non enim nos in ea sententia sumus, ut existimemus non esse assensum fidei præstandum, si id ratio vetare videatur humana, ut perperam Manichæi dixere olim, nunc vero affirmant Sociniani : sed ii sumus, qui arbitramur sacram doctrinam reapse docere nihil, quod rectæ rationi opponatur : Quid ni ita est ? pessime igitur Patres in Conciliis fecissent, qui opinioniones, & errata plurima hæreticorum monumentis, & testimoniis sacrarum litterarum non solum, sed monumentis etiam ratione comparatis, refutata voluere. Pessime Justinus, Ireneus, Eusebius, Lactantius, Arnobius, Augustinus, alique magni quidem Theologi, ac nobiles, qui refellere pravas Philosophorum antiquorum opiniones cum vellent, id unum sunt demonstrare conati (demonstrarunt autem meridiana luce clarius) consonam magis humanæ rationi religionem

gionem Christianorum esse, quam fuerit unquam Veterum philosophia; quod siquidem rationibus ab humano lumine haustis, egregie profecto, ac rectissime confecerunt.

III. Tandem, cum idem sit Pater luminum, qui nobis rationem indidit, ac religionem manifestavit, quid est, quod doceat religio, adversari autem humano lumini queat? Fluit quippe ab eodem fonte, sive per philosophiam, sive per religionem veritas omnis: non est igitur credendum veritatem veritati adversari posse, nisi perperam existimare velimus, Deum minime constare sibi, sed interdum insinuare pugnantia. Frustraneum enim vero, ne dicam detrimentosum esset humanum rationis lumen, si aptum dumtaxat esset ad demonstranda ea, quæ contra religionem facere possent, præsertim cum religio illa tradat, quæ tum ad intelligentiam informandam, atque illustrandam idonea sunt; tum ad totius vitæ cursum moderandum summopere necessaria. Unde Lactantius Divin. instit. l. 2. 7. *Dedit Deus, inquit, omnibus pro virili portione sapientiam, ut & inaudita investigare possent, & audita perpendere.* Igitur est etiam in re Theologica adsciscenda ratio, si tamen res ipsa patiatur, quod si minus, tum ajo, studiose nimis adsciscendam non esse.

Quoniam autem non modo non rationales homines in animo est refellere, sed So-

cinianos quoque, qui ad extremam alteram partem declinantes, si quidquam religio doceat, quod mentis nostræ lumini opponi videatur, unam rationem (religione nempe susque deque habita) sequendam esse asseverant: idcirco fidem rationi semper præpositam iri debere ostendamus, ac proinde Sociniani, qui in maximo errore versantur, hæc pauca accipiant contra.

I. Nam si omnia placita revelatæ religionis essent comprobanda ratione: nullum profecto mysterium esset, arcanum nullum, ac nullum prorsus Sacramentum. Quis autem hæreticus, & quotus fuit, qui pravam opinionem suam philosophia, & ratiocinatione non studuerit confirmare? An non est facilimum ratione decipi quempiam, quæ multoties dubia est, atque fallax? Præclaræ August. I. de moribus Ecclesiæ: *Quia caligantes, inquit, hominum mentes consuetudine tenebrarum, quibus in nocte peccatorum, vitiorumque velantur, perspicuitati, sanctitatisque rationis aspectum idoneum, intendere nequeunt, saluberrime comparatum est, ut in lucem veritatis aciem turbantem, & veluti ramis humanitatis opacatam, inducat auctoritas.*

II. Deinde nulla est obedientia, quæ certe maxima religioni præstanda est, ut præceptum legimus Deuter: 17: *Neque ullum est meritum fidei, si humana ratio, ut Gregorius ait, præbeat experimentum.* Qua de re Augustinus

nus



nus item loquutus est in hæc verba : *Hæc laus si-  
dei, si id creditur, quod non videtur, secundum  
illam Domini sententiam quando Discipulum ar-  
guit dicens : quia vidisti me Thomas credidisti :  
beati qui non viderunt, & crediderunt .... nam  
quid magnum est ( pergit ) si id creditur, quod  
videtur .... non hoc credidit ( nimirum Thomas )  
quod vidit : sed aliud vidit, aliud credidit .  
Vidit enim hominem, credidit Deum . Quamo-  
brem ratio credendi sola Divina veracitas, ut  
nostri loquuntur, cum sit propter quam Deus  
nec falli, nec fallere ullo modo potest ; ap-  
paret profecto, tum claris rebus, & conso-  
nis rationi, tum obscuris, quasque dissonis  
( neque enim proprie dissonæ esse queunt )  
omnino assentiendum esse, dummodo ratum,  
certumque sit, eas Divinum Numen manife-  
stasse . Ex quibus colligunt Theologi, & Pa-  
tres Jacobum Apostolum jure optimo sanxis-  
se, *Qui deficit in uno, factum esse omnium re-  
um* ; propterea scilicet quia radium alterum à  
sole fluens, qui intueri non vult, nullos prof-  
piciat necesse est . Neque enim alia fuit re-  
ligionis natura umquam, vel si ipsos Idolola-  
tras consulamus ; nam Jamblicus de Diis agens,  
qui quamvis soluti sint, & à corpore liberi,  
corporeas tamen voces audire valent, inquit :  
*Verum si tibi id incredibile esse videtur, nec sa-  
ne intelligere potes, quo pacto res incorporea vo-  
cem exaudiat : cum ea quæ à nobis in preculis  
proferuntur sine sensu, & sine auribus percipi ne-  
queant**

queant, libenter oblivisceris, quanta sit amplitudo, quam magnifica, excellensque Majestas, prestantiaque causarum primarum. Facebant igitur, qui placitum religionis nullum volunt, quod eeu fulcro fulcitum ratione non sit, ac tandem per quas tenebras sese volutent, agnoscant. Et hæc contra Socinianos sint satis.

Nunc ad non rationales homines (si tamen non rationales eum sint, homines esse queunt) rursus oculos, mentemque convertamus, ac quæ nobis opponunt, non populari quadam trutina, sed Aurificis statera examinemus.

I. Illi Porro, ideo rationem in Theologia foci faciendam esse arbitrantur, quia arbitrantur divinarum rerum intelligentiam, nos nullo modo assequi ratione posse, quam tamen optime assequimur solo *Fidei* lumine: ac propterea ajunt Isaiam 7. 9. dixisse: *Nisi credideritis, non intelligetis*, que verba explanans Augustinus tract. 20. in Joannem, *Credimus, inquit, ut agnoscamus, non cognoscimus, ut credamus, quod enim cognituri sumus, nec oculus vidit, nec auris audivit, nec in cor hominis ascendit. Quid enim est fides, nisi credere, quod non vides? Fides ergo est, quod non vides credere, veritas quod credidisti videre*: quo cum concinere & Gregorius videtur, qui l. 2. moralium 33. docet *Sapientiam Dei nostri fidem esse*. Hinc est quod Philosophiam in sacris litteris *occupationem pessimam*, legimus appellatam, à qua nihil hauriunt homines, ni-

*si vanitatem, & spiritus afflictionem.* Nam de philosophia, deque humana ratione explicandæ videntur sententiæ illæ celebratissimæ Prov. 5. *Ne intenderis fallaciæ mulieris: favus enim distillans labia meretricis ..... quare seduceris fili mi ab aliena.* Quæ si vera sunt, (inquiunt homines vaferrimi), neque erit alienum à veritate, nullum esse usum rationis, & philosophiæ in rebus iis, quæ pertinent ad religionem, quarum rerum veritas nullo modo est ab humano lumine, sed à fide dumtaxat repetenda.

II. Addunt præterea Apostolos numquam usos esse ratione, neque ad imbuendos imperfectos inter quos nihil se scire, dixit Paulus, *nisi Jesum Christum, & hunc Crucifixum*: neque ad erudiendos perfectos, quibus cum non agere sapientia hujus sæculi, neque Principium hujus sæculi idem Apostolus professus est. Quin etiam hunc virum sanctum, & egregium ita philosophia, & quæcumque humana disciplina fastidit, ut Colossenses monuerit, adessent animis, *Ne quispiam eos deciperet per philosophiam, & inanem fallaciam*: pollicitusque est Corintiis *Se perditurum sapientiam Sapientium, & prudentiam prudentium reprobaturum....* Ubi sapiens, inquit, ubi scriba, ubi inquisitor hujus sæculi? nonne Deus stultam fecit sapientiam hujus sæculi? propter quam rem postquam asseveravit, humanam scientiam inflare, scripsit tandem Timotheo discipulo suo: *Si quis non acquie-*

*acquiescit sanis sermonibus, & cū quæ secundum pietatem est, doctrinæ; superbus est, nihil sciens, sed languens circa quæstiones: ut sane ostenderet ab humana ratione non oriri nisi vitia; virtutes vero christianas à sola religione, veluti à perenni fonte manare.*

III. Quam profecto doctrinam (inquiunt illi) majores nostri ad unum omnes secuti sunt, proptereaue scripsit Gregorius Nazianzenus or. 2. con: Jul: *Disciplinam nostram esse Pythagoræam*, illud nempe spectans, quod de Pythagoræis ferunt: *tantum in illis præjudicatam potuisse opinionem, ut sine ratione valeret auctoritas.* Neque alia de causa Hieronymus negavit decere Doctorem Evangelicum præsidio rationis niti, nisi quia *Baculum hunc*, ut ipse loquitur in cap. 10. Mat: *arundinem esse*, cognovit, *quem si paululum præsseris, frangitur, & manum perforat incumbentis*; proinde *Sacrilegum* in cap. 31. Hierem: esse existimavit, in *verbis Dei humano sensu argumentari.* Sed & Augustinus id contra Felicem Manichæum disputavit sine hæsitatione prorsus ulla asseverans, scientiam de cursu Solis, & Lunæ, deque hujus generis rebus *Inutilem Christiano esse, ac sufficere; ut homines de his rebus propter humanos usus noverint id, quod in schola didicerunt, scilicet priusquam ad Christianam religionem converterentur: quod dixerant ante Augustinum Epiphanius, & Ambrosius, quorum alter hæresi 76. c. Actium constantissime affirmavit.*

77  
mavit, illi nihil penitus *Revelare Deum*, qui  
de ipso per *Syllogismos* ratiocinatur: alter vero  
asserere non dubitavit, Astrologiam, atque  
divinatrices artes, cæterasque humanas disci-  
plinas, ad beatam vitam nihil prorsus confer-  
re posse, quæ omnia IV. deinde Cartaginense  
Concilium approbavisse Gratianus d. 37. Vir  
doctissimus, fidem facit. Quod si ita habet,  
consequitur (pergunt) nihil minus ad reli-  
gionem confirmandam, valere posse, quam  
ratio, ac perperam facere propterea illi, qui  
eam adhibent in Theologia.

IV. Et sane si ita facti, comparatique  
sumus, ut quod ratione colligimus, ratum  
illud, perspectumque habeamus: quid fieri quæ-  
so poterit, ut suffragari fidei humana ratio  
valeat, cum fides res obscuras tantummodo  
debeat investigare? monuit propterea Ambro-  
sius Sacram: l. 1. *Tollenda esse argumenta, ubi  
queritur fides: à cuius sententia ne transver-  
sum quidem unguem discessit Augustinus, qui  
in psal: 117. habet Fidem præcedere debere in-  
tellectum, ut sit intellectus fidei præmium: quem  
discipulus Fulgentius adamussim secutus est;  
scripsit etenim ad Petrum Diaconum: Fidem  
esse virtutem, qua creduntur, quæ non videntur:  
nec quidquam in Catholica Ecclesia fieri potuisse  
salubrius, quam ut rationem præcederet auctori-  
tas. Quod quidem veteres Christiani cum  
agnovissent, scimus Cathecumenos solitos fu-  
isse admonere, teste Cæso, hisce verbis, Exa-  
mi-*

*munare noli, crede dumtaxat; quæ sane monita hauserant à Divina Lege, quam tradidit Deus nude, ac breviter: Nullo modo argumentis asserens voces suas, ut Lactantius loquitur Instit: 1. 3. 1. tanquam fides ei non haberetur, sed ut oportuit est loquutus, quasi rerum omnium maxime iudex, cujus est non argumentari, sed pronuntiare verum. Unde Seneca de Platonis legibus loquens epist. 144. ait, non probo, quod Platonis legibus adiecta principia sunt. Legem enim brevem esse oportet, quo facilius ab imperitis teneatur, velut emissa divinitus vox sit; Jubeat, non disputet. Nihil videtur mihi frigidius, nihil ineptius, quam lex cum Prologo. Mone, dic quid me velis fecisse: non disco, sed parco. Quid magis igitur inconditum (ajunt) quam in Theologia humano lumini locum dare, ubi nullus esse potest humanæ rationis locus?*

V. Quod si rationem ipsam contemplabimur (inquiunt recentissimi Nebulones) ipsi, vel per nos intelligemus hanc profecto in regno fidei obire munus nullum, posse. Quippe cum effata omnia philosophiæ ab humana ratione nata sint, nihil autem sit, quod facessere religioni negotium valeat magis, quam unum, aut alterum hujusmodi axiomatum: hinc colligendum esse putant, infici à ratione universam religionem. Quotus enim (addunt) quisque est, qui plane ignoret: Quadrataque procul turres cum cerminibus Urbis Propterea sit, uti videantur sæpe rotundæ,

An-

**Angulus obtusus, longe quia cernitur omnis, Sive etiam potius non cernitur &c.**

Igitur, inquit Bælius si turres procul, cum spectamus, non modo diversæ apparent ab iis, quæ in se sunt, sed etiam contrariæ; quandoquidem inficias iverit nemo, inter se rotundum, & quadrum plane opposita esse: ita cum investigamus illa, quæ supra rationem collocata sunt, non modo diversa prorsus apparebunt ab iis, quæ in se omnino sunt, sed revera contraria. Ergo contra rationem est, quod est supra rationem. Neque enim fieri potest, ut quæ pro religione facere videntur, ratione humana defendere possimus, quoniam quæ ratione humana sese tueri volunt, debent esse ipsi rationi perspecta: alioquin fallacias fallaciis detrudimus, non autem sophisma clarissima argumentatione confutamus. Quapropter nullus esse in rebus divinis rationis usus posse videtur.

Haëdenus non rationales Theologi. Sociniani vero, qui ab his non verbis tantum, sed maxime rebus discrepant, utpote qui rationem præponendam esse religioni putant, ad hunc plane modum ratiocinantur.

I. Cum nobis inquit, tribuerit D.O.M. Mentis intelligentiam, non secus ac religionem revelavit, si falli ab illa possemus non minus Divinum Numen in causa esset errorum nostrarum, quam si per revelatam fidem ipse nos falleret. Nempe cum lumen illud, quod  
signa-

signatum est super nos , ut Propheta loquitur non sit nisi humana ratio , quæ hominibus singulis indita est à natura , sit ea quoque à Deo profecta , necesse est . Præclare fanè Paulus , cum rationes à natura inditas , manifestas esse dixisset , illas statim ad Deum , veluti ad auctorem suum , revocavit . *Quod notum est Dei* , inquit , Rom. i. *manifestum est illis* , Deus enim illis manifestavit . Num per Angelos ? num per Prophetas ? num per Apostolos ? minime id quidem : sed invisibilia Dei à creatura mundi per ea , quæ facta sunt intellecta conspiciuntur . Quæ , cum ita se habeant , quid est cur dicamus , posse naturam nos in errorem inducere per inditam rationem , per revelatam vero religionem beatum Numen non posse ? non differt enim à natura Deus . Aut ergo utrumque valeat oportet , aut certè neutrum . Videte hominum arrogantiam , atque dementiam , sed agamus , quod instat .

II. Nihil est enim , quod nobis persuadere queat ( pergunt ) quæ in eundem finem cædunt , pugnantia inter sese aliquo pacto esse . Quapropter si ad Deum , ceu rivuli ad fontem veritatis sunt ratio , & religio ordinatæ , sint illæ quoque oportet inter se plane concordēs . Quod si religioni opponitur ratio numquam , quandoquidem ratio intimior nobis est , quam religio , huic præstare semper illa debet , atque præponi fidei , quæ certe est homini adventitia . Egre-

gie



gie Lactantius l. 2. 7. *Quare cum sapere, idest, veritatem querere omnibus sit innatum, sapientiam sibi adimunt, qui sine ullo iudicio inventa majorum probant, & pecudum more ducuntur.*

III. Rursus, ajunt, an non est dicendum Deum in Sacris Litteris se humano ingenio accomodasse, proindeque explicavisse multa *parabolis*, multa *exemplis*, ac multa verbis enucleasse, ut posset quispiam capere ab iis, quidquid ad bene, beateque vivendum conducere valet? quid ni ita est? frustranei alioquin, ac detrimentosi libri sacri fuissent, si nonnulla comprehendissent, quæ intelligere, & meditatione complecti, posset nemo. Enim verò hominem cum ita finxerit Creator, ut comparare cuncta sibi debeat ratione, profecto in fallaciam traxisset illum, si legem servandam illi mandasset, jussissetque assentiri iis rebus, quas capere humana mens non valeret. Quæ sane, cum animadvertisset Apostolus, tantum negotii ei facessere potuerunt, ut scriberet propterea ad Corinthios 1. 2. *Datam esse unicuique manifestationem Spiritus ad utilitatem*, ut hinc sane intelligeremus tantum nobis luminis, & intelligentiæ datum à Spiritu fuisse, quantum sufficeret ad doctrinam Christianam percipiendam, quam proculdubio ignoreret aliquis, Deus non patitur. Quapropter, si quædam semper obscura visa sunt, argumento esse queunt, voluisse Deum illa nobis occulta esse, neque assensum nostrum cogisse; sed non esse eadem

temere investiganda, nec ullo pacto credenda.

IV. Tandem pergunt religionem naturalem nobis solo naturæ lumine innotescere, vocatamque propterea fuisse ab Apostolo *Legem scriptam in cordibus nostris*. Igitur revelata religio opponi naturali numquam debet. Quemadmodum etenim lex à Deo lata non opponitur naturæ præscriptis: quin etiam à naturæ lege quodammodo originem trahit, ut Christus præ se tulit in responsione ad legisperitum, quando locutus est in hæc verba: *Diliges Dominum Deum tuum ex toto corde tuo, & in tota mente tua, hoc est maximum, & primum mandatum. Secundum autem simile est huic: Diliges proximum tuum sicut te ipsum*; Deinde concludit, *in his duobus mandatis universa lex pendet, & Prophetæ*: sicut itaque pendet Divina lex à naturæ lege, ita naturæ religio fons debet esse fidei revelatæ, nec quicquam hæc contra illam docere potest; nec nos, si non nihil oriatur ex ea, quod naturæ præscriptis, ac lumini humano adversari videatur, assentiri, aut sequi id ullo pacto debemus. Igitur non est dimittenda ratio, ut religionem sequamur.

Ita sane Sociniani disputant, quasi christiani non essent. Sed hisce rationibus satis plene facere studebimus postea. Nunc non rationalium hominum agmen aggrediamur.

Ad I. Primo autem loco opponunt sacrarum litterarum auctoritatem, quod cum faciunt, sane pueriliter faciunt; nam si fieri non potest, ut eruatur veritas e scriptura sine be-

beneficentissimi Numinis auxilio illustrantis quidem imbecillum intelligentiam humanæ mentis : quis inficias iverit , rationem humanam necessariam esse etiam in rebus credendis , neque ullo pacto à religionis finibus exterminandam ? Quod etiam ex illo Divinarum litterarum textu , qui in manibus est , erui , ac colligi quidem potest . Non enim legimus nos apud Isaiam . *Nisi credideritis non intelligetis* . Sed legimus : *Nisi credideritis non permanebitis* . Quam sane lectionem magis congruere instituto Prophetæ , ii omnes sciunt , qui non sine rationis auxilio interpretandam esse Scripturam sciunt . Nam Dominus per Isaiam Judæos alloquens , hostium suorum arma timentes , paventesque , minatur illis , si fidem non habeant Domino Deo suo , sed ad Assyrios confugiant , fore ut tandem dispersurus sit eos per Asiam universam Deus . Ita Hieronymus , & Rupertus .

Verum ut cum adversariis nostris vel liberalissime agamus , demus textum hunc legendum esse , ut septuaginta Interpretes vertunt : Nunquid inde consequitur , rationem esse à Theologia omnino explodendam ? nihil profecto minus ; certum est quippe Isaiam hoc loci non agere ea fide per quam Religio est constituta ; certum est præterea majores nostros non semel usos esse ratione : cur nos igitur repudiabimus illam ? at ex R. P. Gregorio qui veluti supra in laudata verba Prophetæ docuerat , fidem nostram esse , Dei Sapientiam :

Sic in idem Prophetæ caput verba illa explanans: *Cum sagittis, & arcu ingredientur illuc*; testatur L. 19. Moral. 28. *Sanctos Apostolos ad ferendam Gentilis vitæ duriem, cum districtis verborum spiculis venisse*: ex quibus verbis satis, ut mihi videtur, colligere possumus, neque Isaïam, neque Gregorium usum rationis in rebus fidei damnaſſe. Quis autem audiens, majores nostros adhortos gentilium agmen, spiculis fuisse verborum, statim non intelligit rationum momenta, spicula illa significare, dummodo animadvertat Idololatrias omnes sacras litteras nihili prorsus duxisse? unde rectissime Augustinus de Trini. l. 14. 1. earum rerum, quæ ad fidem pertinent, in duo veluti genera tribuit, quorum alterum eas comprehendit, quæ nisi intelligantur, non creduntur, alterum vero illas complectitur, quæ nisi credantur, non intelliguntur. Nam si obscurarum rerum genus ratione humana clarum, & perspectum efficere velis, nihilo plus ages, quam si des operam, ut cum ratione insanias. Nimirum si fidei natura in eo sita est, ut sit obscura, immutetur oportet, adeo ut fides non sit amplius, si clara fiat, atque perspecta. Atqui si velis, quæ religione majorumque auctoritate certa sunt, item ratione humana certa facere, id profecto ages, ut quæ jam habes, rata confirmataque habeas. Quæ omnia Augustinus l. 2. de lib. arb. perpendens, ut ostenderet hominis arbitrium naturali ratione esse in bonis enumerandum, ab  
ostensio-

ostensione divinæ naturæ exorsus, ad controuersam veritatem, quasi per gradus demonstrandam descendit. Ergo tam falsum est Isaiam, Gregorium, Augustinum putasse, rationem religioni opitulari numquam posse, quam quod falsissimum. Quin etiam Augustinus hanc in fidei rebus regulam præscripsit ad Laurentium l. 1. 1. *Ut quæ credi, quæ sperari debeant, quæ amari sola religione sequantur: Is vero, qui contradicit, aut omnino à Christi nomine alienus est, inquit, aut hæreticus: & paulo post de iis agens, qui nostram religionem impugnant, Eam esse defendendam ratione, ait, quæ vel à sensibus corporeis inchoata, vel ab intelligentia mentis inventa est. Quod quidem l. 4. dedo. Christ. confirmavit hisce verbis: Ut autem quæ dubia sunt, certa fiant, documentis adhibitis, ratiocinandum est. Neque enim naturæ lumen ab humanis divinisque rebus tollit, qui disputationes de motu syderum, de ortu rerum interituque tollit: siquidem in hisce rebus versandi libidinem, vanitatem appellat, & sane quidem, quoniam parum, aut nihil hortuli nostri huiusmodi rivulis irrigari queunt. Quapropter Hieronymus in 10. caput Eccles. Lege, inquit, Platonem, Aristotelem, revolve versutias: Zenonem, & Carneadem diligentius intueri, & probabis verum esse, quod dicitur, labor stultorum affliget eos. Veritatem illi quidem omni studio quaesierunt, sed quia non habuerunt ducem, & prævium itineris, & humanis sensibus rati sunt, se*

*comprehendere posse sapientiam, ad Civitatem minime pervenerunt &c.* ex quibus luce ipsa clarius intelligitur, utrumque auctorem, eos danna-  
visse Philosophos, qui perperam ratiocinantes, beatam vitam in contemplatione Universi, vel in ea, quæ ex contemplatione oritur, voluptate, collocata esse voluerunt. Præclare igitur Salomon Philosophorum meditationes pessimas occupationes appellavit, quod & molestissimæ sint, & ad eum finem minime ordinatæ, in quem actiones humanæ omnes cædere debent. Nullo quippe modo Rex Sapientissimus, quæ à recta ratione est scientia humana, meretricem vocare poterat, qui Prov. 27. dixerat *Stude sapientiæ, fili mi, & letifica cor tuum, ut possis exprobranti respondere sermonem.* Quod si de humana scientia ibi loquitur (quod plerique nolunt, sed de cæca voluptate locutum faciunt; quam Plato escam malorum, vocare consuevit) certe de illa loquitur scientia, *Quæ dulcedine eloquentiæ conspersa, non ad sufficientiam solummodo, verum etiam ad superfluitatem resonat in ore hereticorum*, ut Beda enucleavit; quod sane studium ab temeraria quadam animi confidentia oritur, quod item damnavit Augustinus apertissime in *Libris*, potissimum illis quos de Civ. Dei inscripsit, ubi pessimos, confidentesque sanctarum scripturarum criminatores strenue depreffit.

Ad II. Verum si illi, qui ad Evangelium prædicandum missi fuerunt à Christo, non lumine fidei solum, nec miraculis tantum, sed etiam

etiam humanæ rationis viribus, & nervis usi sunt: quid est, quod homines isti euripo levissimo leviores, ne mentis aciem Theologus adhibeat, impedire conantur? minime quippe nos latet, tantum sapientiæ, ac luminis divinum Spiritum Magistris Ecclesiæ indidisse, ut posterius, & æquales eorum eruditionem, solertiamque semper sint admirati. Quoties Paulus ad refellendam falsam, ne dicam nefariam hominum profanorum scientiam, antiquorum philosophorum dictis, & rationis etiam humanæ momentis nostræ religionis placita corroboravit? quemadmodum Athenis præclare ex Arati sententia fecit, ita apud gentes cæteras non semel præstitisse, certum est.

Quapropter duplicem distinguit Apostolus humanam scientiam: eam etenim, quam nefariis opinionationibus suis inquinaverunt Philosophi, hujus sæculi sapientiam appellare consuevit, ac de illa fuisse locutum censemus, cum docuit *Stultam fecisse Deum &c. nolle agere scientia &c.*: illam vero qua ornatos esse Presbyteros voluit: *Ac qui bene præsumt duplici honore dignos haberi, maxime qui laborant verbo, & doctrina*; utpote sinceram, & ab omni sordide defecaram damnavisse nunquam, ex eo fit manifestum, quod eam pluries Apostolus adhibuit, potissimum vero ad ostendendum Atheniensibus, quem colebant ignotum Deum: Numen esse illud, quod Christiani venerabantur. Hinc est quod idem Apostolus dum *Scientiam inflare* ait, atque qui eam sequitur,

tur, *Langere circa quaestiones*, seque ea tū nolle professus est, hinc est inquam, quod tunc locutum esse Apostolum de sapientia hujus sæculi interpretamur, qui scimus laudatis in locis Doctorem gentium eorum Philosophorum errores refellisse, qui in Magia exercitati universæ Græciæ admirationi erant, inter quos præcipue enumerantur à Baronio anno Christi 75. Masonius, Dio, Epictetus, Diogenes minor, Appollonius Tyaneus &c. Unde etiam scripsit ad Colossenses adessent animis, ne quis seduceret illos per philosophiam, *Quia Apostolus*, inquit, Tertul. l. de præscri. 7. fuerat Athenis, ibique expertus linguatam Civitatem, cum omnes illic sapientiæ, atque facundiæ caupones degustasset, inde concepit præmonitum istud edictum: quod autem dixerit, se inter imperfectos scire nihil, nisi Jesum Christum, & hunc Crucifixum; non propterea sequitur, scientiam omnem damnassee, sed imperfectis solam passionem, ac Christi mortem predicasse, ut testatur Hieronymus ep. 2. ad Nepot. Ne, scilicet, clamorem potius populorum, quam lacrymas auditorum suscitaret. Nihil igitur minus rationales Theologi probant auctoritate majorum, quam id, quod sibi profuerant ad probandum.

Ad III. Multo vero minus id Patrum, sanctorumque dictis, ac sententiis, adversarii conficiunt. Nam cum docuit Nazianzenus disciplinam nostram esse Pythagoream, id primo  
nem-



nempe docuit, tantum à nobis virium dandum esse auctoritati majorum, quantum firmamenti eadem habet, ut apud Pythagoreos, qui, sciscitanti cur res ita esset, soliti erant respondere, *Ipse dixit*; sed ulterius Nazianzenus voluit, ut quemadmodum Pythagoræ dogmata discipuli custodiebant alto silentio: ita religionis placita custodienda essent disciplina arcani, quæ ætate illa vigeat, & de qua egregie disseruit Schelestratus. Nihil temere dico, nam si legatur epistola ejusdem Gregorii ad Celeusium, in qua festivo Apologo, ipse se ab exprobrata taciturnitate defendit: apparebit profecto utramque dotem Christianis vindicare, non secus ac vindicarunt sibi olim Pythagorei, quos si summopere commendavit Julianus Apostata, concludit deinde Nazianzenus, in quem hic agit, non propterea debere Imperatorem, Christianorum damnare disciplinam. Hieronymus vero, cui aliquando minus polita Prophetarum oratio visa est, quanti humanum Consilium semper fecerit, ex eo vel in primis colligitur, quod in epistolis ad Augustinum haud hæsitaverit fateri, se aliquando contra veterum Interpretum opinionem sensisse, quod ratio, quæ inter dona *gratis data* enumerat Paulus, linguarum eruditione fulta, id sibi persuaferat, atque hoc modo, ait, se tueri potuisse ab calumniis delirantis hominis, quem Calphurnium, cognomento Lanarium, appellare consuevit, & quem fuisse Rufinum, ignorat nemo: itaque

itaque vir sanctus humanam rationem baculum arundineum merito vocavit, quod scilicet si nullis sit fidei argumentis stipata, facile frangitur, & jure quidem Sacrilegum dixit de verbis Dei humano sensu argumentari, quasi si judicare de verbis Dei, ac de Philosophorum sententiis nullo discrimine homines vellent, quod certe non dixisset, quando homines fidem præstare rationi, non autem rationem fidei facti essent: ut reapse legenti historiam Viri sanctissimi, qui artes omnes, quæ ad scientiam conducunt excoluit, liquido proculdubio constabit. Neque enim nos in ea sententia sumus, ut credamus visionem potius, uti appellant, quam somnium fuisse illud, in quo Hieronymus monitus, ne Prophanis auctoribus navaret operam, fidem dedit: qui, certo scimus, & post monitum, & post fidem datam, & Plautum, & Terentium &c. non legisse modo, verum etiam perlegisse. Comentarios quippe in epist. ad Titum admodum senex elucubravit: porro fatetur in illis veritatem esse aliquam, quæ pietatem non habet, quæque præsertim in liberalium disciplinarum cognitione posita est, *Qua tamen, inquit, delectamur ad præsens.* Quis est autem, qui audiat liberalibus disciplinis veritatem inesse aliquam, & non intelligat continuo ea indigere Theologum interdum posse? ad Augustinum vero, quod attinet, tam certum est doctorem sanctissimum multoties ad confirmandum humanæ religionis placita, adhi-

hibuisse rationem , quam quod maxime . Enim vero in eo quoque textu , quem nobis hæretici opponunt D. P. pronunciat hujusmodi artes. etsi prophanas ad usus tamen humanos utiles profecto esse , non vero necessarias , ut perperam Manichæi volebant , ac propterea eodem lib. contra Felicem Manichæum profitetur , religionem munitam fuisse ratione , & si auctoritas principem locum tenet : *Imperatorem* , inquit , *fidei clementissimum* , & *per Conventus celeberrimos populorum* , atque *gentium* , *sedesque ipsas Apostolorum* , arce auctoritatis munivisse *Ecclesiam* , & *per pauciores piè doctos copiosissimis apparatus etiam invictissimæ rationis armasse* : veruntamen id vel clarissime enucleavit , cum l. 4. doct. Chri. , Doctoris Evangelici officium ita definit : *Debere divinarum scripturarum tractatorem* , & *doctorem* , *defensorem rectæ fidei* , ac *debellatorem erroris* , & *bona docere* , & *mala docere* , atque in hoc opere sermonis conciliare adversos , remissos erigere , nescientibus quid agatur , quid expectare debeant intimare . Quæ sane munera , dispeream , si adversarii negent , sine rationis usu , non dicam commode , sed ne ullo pacto quidem , explere nos posse . Sed veniamus ad Epiphanium , qui hæresi 28. docuit , quando legimus , *Prophetas extra se raptos fuisse* , non ita accipiendum esse , quasi iustum rationis usum amiserint . Existimavit igitur rationis usum , & vaticinanti necessarium : dicendum itaque est damnare Epiphanium *Ætium* ,

tium, qui cum Manichæis abutebatur ratione, prædicans præstare religioni: contra quod falsum, atque impium dogma scribebat Ambrosius quoque, quando damnatas voluit divinatrices artes, quas colere ad stomachum usque Manichæi non cessabant. Ceterum si uterque usum rationis in divinis rebus damnaasset, uterque etiam peccasset. Nam Epiphanius multas hæreses refutavit non modo auctoritate religionis, sed multo sæpius rationibus non aliunde haustis, quam à lumine naturæ. Ambrosius vero turpius etiam erravisset, qui librum de Officiis conficiens, multas regulas Christianis hominibus tradidit, quas ex natura, atque adeo ex humana ratione derivasse extra omnem dubitationis aleam positum est. Porro illis qui ad Cartaginensem Synodum confugiunt, ita responsum volumus, ex hoc sane Concilio nihil prorsus contra nos colligi posse: nam i. d. 16. quod est à Gratiano laudatum, nihil profecto cautum est aliud, nisi quod Episcopi gentilium libros non legant, hæreticorum autem pro necessitate, & tempore. Quod si hujus Concilii præscripta omnia legamus, intelligemus sane, Sanctam Synodum maximopere desiderasse, ut qui sacras Ecclesiæ infulas petunt, *Sint literati, in lege Domini instructi, in scripturarum sensibus cauti, in dogmatibus exercitati*: quod certe minime fecisset, si hæc intelligentiæ humanæ, atque rationis ornamenta floci fecisset.

Ad

Ad IV. Sed eo magis submet gladio sese

Adversarii nostri jugulare videntur, cum rationem à Theologia exterminantes, eam postea adhibent, ut majoribus nostris sententiam, quam defendunt minime displicuisse demonstrent. Eos cum Pyrrhoniis certe comparare, fas est, qui cohibendam assensionem esse in rebus omnibus autumantes, cum tandem ad opus aliquod ventum est, statim manus admovent, nec agere desinunt, nisi opus perfectum esse cognoscant. Ecquid est, si hæc maxima dementia non est? rationis usum non rationales homines à Theologiæ scola, excludunt omnem, quod faciendum Theologis cum persuadere student, ita ratiocinantur, ut rationales magis, quam non rationales dici queant. Sed ad difficultatem propositam aggrediamur. Ajunt igitur cum ratione fidem consociari nequaquam posse, propterea quod altera in perspectarum rerum contemplatione versatur, placet vero alteri res obscuras rimare. Bene est. Novum ne auribus nostris accidit, multa esse, quæ defendimus, quorum vim, & naturam minime cognoscimus, ac multa etiam extare adeo clara per se, atque perspecta, ut ratione confirmare nesciamus? aliud est siquidem causam, & rationem cur res ita habeat in medio ponere: aliud rem ita esse demonstrare. Illud etenim pertinet ad rei naturam enucleandam, quod persæpe Theologus, nec debet facere, nec fortasse valet. Hoc autem spectat ad res  
affir-

aliter mandas, seu; ut nostri dicunt, ad rerum dumtaxat *existentiam* ostendendam, quod præstet Theologus, ita necesse est, ut nihil magis. Quapropter Ambrosius removet quidem à fide rationem, si audeat hæc religionis adyta introspicere, ac mysteria divina scrutari, non autem illam, ab sacræ sapientiæ limine censeat expellendam, si fidei opituletur, quod uberrime profecto explicuit Aug. in psal. 34. rationem asserens cur Apostolus fidem *loricam* interdum, interdum *scutum* appellat: Scutum est, quia *tela inimicorum excipit, & repellit*: lorica est, quia *interiora sua transigi non sinit*; item Discipulus ejus Fulgentius, qui in libro eodem, quem nobis non rationales opponunt prope finem scribit: tamen *si omnia, quæ in hoc opusculo continentur, recensere, & notissimæ prorsus habere non negligas, ex his poteris cuncta discretionem etiam de cæteris spiritualiter judicare*. Igitur putant laudati Patres ratione siquidem nostra nonnihil posse nos in rebus fidei moliri, quamquam ne id temere faciamus, prohibeant, Porro autem, quod attinet ad Cælsum, placet nobis uti verbis origenis, quibus duo proculdubio præstabimus: nempe & ab criminatione veteris accusatoris, & ab reprehensione recentissimorum obtrectatorum causam nostram defendemus. Origenes igitur in opere contra Celsum l. 1. 2. ita loquitur: *Si mortales omnes, neglectis vitæ curis, in studium, meditationemque incumberent, non alia via foret opus*

opus ad persuadendum illis religionem Christianam ( ut enim nihil , quod quemquam offendat , dicamus ) non minus apud nos , quam alibi reperietur accuratio , sive discutiantur dogmata , sive Prophetarum dilucidentur enigmata , sive explicentur Evangeliorum parabolaë , aliaque sexcenta , aut narrata historicè , aut symbolice representata . Sed cum , & vitæ necessitas , & infirmitas humana paucos dumtaxat studiis vacare sinat , quænam cæteris omnibus juvandi via reperiri poterat expeditior illa , quam Christus adhibendam voluit in conversione Populorum ? hætenus Origenes . Quis autem isthæc rectè perpendens , haud fatebitur fuisse in more positum , institutoque Majorum pro ratione , atque intelligentia in Theologia conari quicquam , quod solum imperitis vetitum fuit , ne , scilicet , rem ad errorem traducerent ? neque enim veteres Sapientissimi id agentes ab Christi exemplo aberrabant . Siquidem Deus , ceu lator legis , mandatorum suorum , licet causam , aut rationem nullam attulerit ; id præstitit persæpe Christus , tanquam legis interpretes , & Doctor , qui & Mosayci repudiî turpitudinem , atque causam explicuit , & ad fontem totius legis , quasi digitum intendit , & multa alia explanavit , quæ omittimus libenter , ne in rerum copia magis , quam delectu , delicias facere videamur . Sufficient hæc profecto , ad faciendam fidem licitum esse Doctori , interpretari legem , enucleare dogmata , eaque non semel argumentis ab humana ratione

tione petitis confirmare . Nam si Senecæ lex cum Prologo minime placuit , placuit eidem tamen animum hominis , ac mentem antequam legis præscriptis informaretur , abundare præceptis , institutisque Philosophiæ , quam sane *vitam legis* , appellare consuevit .

Ad V. Et re quidem vera quando veritas opponi veritati minimè potest , quia veritas omnis ex uno , eodemque ducta est principio ; cur fieri nequaquam poterit , ut altera alteri vires suas valeat suppeditare ? tamen si etenim philosophiæ effata placitis revelatæ religionis opposita videantur , secus se rem habere , comperiemus , si ea neque tam longe , neque tam late patere voluerimus ; Nam à Philosophis si excogitata fuerunt ad res humanas explicandas , quid mirum ad divinas res inde traducta , si vires deficiunt illis , nervique ? scilicet cum multa sint pronunciata in Philosophia , quæ aptari singulis rebus minime queunt , ut celebratum illud , omne simile sibi simile gignit , quod falsum esse in spuris animantibus docet Aristoteles in lib. de hist. animalium ; atque alterum , ut plura omitamus , tritum in scholis vetustate proverbium , quæ eadem unitertio sunt , sunt etiam inter se eadem , quod numeris non congruere , Auctor est Plato in Parmenide ; non propterea , inquam , falsa ea esse censendum est , si plerumque rem ita habere contingat . Etenim res divinæ alio modo institutæ sunt , atque humanæ .



nam: Ex quibus non consequitur profecto, quod si divinas res intueri non possumus, eo modo, quo sunt in se; opposita inde ratione, easdem intueri debeamus, ut in turri accidit ( Inventum Hercle præclarum, & per quem modo juravi, Hercule dignum ) hoc enim vero ideo accidit intuentibus procul turrim, quia intueri volentes, habentesque objectas res, quidquam videamus oportet.

Hinc, uti suffugit sensum, simul angulus omnis,

Fit quasi tornata, ut saxorum structa tuerentur;

Non tamen, ut coram, quæ sunt veræ, que rotundæ,

Sed quasi adumbratim paululum similata videntur.

Nimirum eminus intuenti, accidit, ut cum omnis angulus non cadit sub sensum oculorum, structuræ lapidum appareant tanquam rotundæ; non tamen vere rotundæ, sicuti sunt ea, quæ rotunda cominus intuemur, ut rectissime animadvertit Michael Fayus. Verum in Divinis rebus non ita sane evenit, quoniam in conspectu nobis positæ, minime cum sint, etsi spectare conamur, nihil tamen spectare prorsus valemus. Neque sequitur proinde, nullo modo posse nos illa ratione humana tueri, quandoquidem illarum rerum ideam habemus nullam; nam, ut supra monuimus, nostrum est non mysteriorum naturam pandere, sed

G

miste-

myſteria eſſe ratiocinatione confirmare. Quid ni ita eſt? nonne homo poteſt meatuſque maris, naturam, & rationem ignorans, meari, commearique Oceanum defendere? itaque non eſt neceſſe, ut humanæ intelligentiæ ſit rei natura enucleata, ut propterea valeat affirmare humana ratio, rem ipſam extare. Redolent igitur argutationes Adverſariorum purum, putumque commentum, nec tales ſunt, ut valeant nos de noſtra ſententia dimovere.

Sed ſatis jam adverſus humanæ rationis everſores diſputatum eſt: nunc contra ejuſdem moroſos adſtipulatores diſſeramus.

Ad I. Primo loco autem ajebant Sociniani, beatum Numen, neque per fidem, neque per rationem fallere nos poſſe. Bene eſt. Fateor æquidem Deum erroris cauſam non eſſe: nam ſi hallucinamur aliquando, non eſt rationis lumen, quod nos fallat, ſed noſmetipſi mentis aciem, aut falſis opinionationibus occupati, aut præjudiciis impediti in rem non ſatis exploratam ferentes, à veritate detorque-  
mur. Tameſi quippe *Signavit Deus ſuper nos lumen vultus ſui*, non poſſumus ceu ex notis in religione quicquam proficere, cum ſit lumen illud præſertim ad religionem ipſam ordinatum ut notavit Ambroſius l. 1. 17. alioquin quid religio conferret, quid revelatæ in ſacris litteris, aut traditæ veritates, ſi omnia humanæ intelligentiæ radijs luſtrare poſſemus. Quod  
ſi Phi-

si Philosophi nonnulli, magni siquidem, atque nobiles Deum agnoscentes, *Non sicut Deum glorificaverunt*, quid est quod isti ajunt, repudiandam esse fidem cum à ratione discordare aliquo pacto videtur? nimirum si ita res esset, non diceret Paulus (quasi de Socinianis vaticinatione quadam loqueretur) quod *Sicut non probaverunt Deum habere in notitia, tradidit illos Deus in reprobam sensum*, asserens, inquit Basiliius l. de judiciis Dei *pœna hac multari, qui veram Dei cognitionem neglexerint*. Quare vel lubentissime damus lumen rationis numquam reapse revelatæ religioni adversari, ac si id contingat, specie tenus id fieri existimamus. Atque propterea humanam rationem assentiri & iis fidei nostræ misteriis, debere asseveramus, quæ pugnam cum eadem ratione, interdum videntur inire, hac præsertim de causa, quod rationi assentientes, humanæ rei; fidei vero, cum assensum præbemus D. O. M. revelanti assentimur, qui fallere, aut falli certe non potest. Præclare Augustinus explicans verba illa psal. *Ego dixi in excessu meo: Omnis homo mendax*, inquit, *Et si de homine non debet quisque præsumere, utique nec de se ipso, quia homo est*.

Ad II. Quod sane eo magis fit manifestum, quod ratio, & religio ad eundem omnino finem sunt ordinatæ, ut homo nempe, qui iis recte utitur citra fallaciam, & superstitionem Deum recte colere, ac bene, & beate vivere queat. Et si enim, quæ in eundem fi-

nem cadunt, inter se adversari non debent, quamquam cum Deus ex malo bonum ducit, aliquo modo id fieri videatur, ut Augustinus animadvertit: non tamen consequitur propterea, ut cum accidit rationem contra religionis præscripta reclamare, illius potius adstipulatores debeamus esse, quam fidei: quod sane facientibus Manichæis, vitio vertit Augustinus, qui inquit l. 17. contra Faustum. 3. *Quia in Evangelio, quod vultis creditis, quod vultis non creditis, vobis potius, quam Evangelio creditis.* Scimus etenim proximum religionis auctorem Deum esse, quem fallere, aut falli non posse scimus, proximam porro rationis causam esse hominem, quem fallere, & falli persæpe competentum est; sint igitur suæ rationi vires, ac nervi, per me licet; sed sit iudicii magistra religio, ac ratio suffragare discat fidei, si non licet majorem homini habere fidem, quam Deo. Egregie Lactantius in ea re inquit, *In qua vite ratio versatur, debet potius sibi quispian confidere, suoque iudicio, ac propriis sensibus niti ad investigandam, & perpendendam veritatem, quam credens alienis erroribus decipiatur tanquam ipse rationis expertus si esset; ac dedisse propterea ait, Deum pro virili portione sapientiam &c.* quod quidem dixit auctor disertus, ut repelleret illorum excusationem, qui Christi doctrinæ dare manus volebant, majorum suorum auctoritatem opposcentes: sed non propterea magis rationi docuit fidendum esse, quam fidei,

fidei, qui I. 3. 3., postea ait, *Mortalem naturam non capere scientiam, nisi quæ veniat extrinsecus*: proinde totius operis, veluti fundamentum jecit *Veritatem*, idest arcanum summi Dei, qui fecit omnia, ingenio, ac propriis sensibus, *comprehendi non posse* ..... *notionemque veritatis munus suum fecisse, ut & humanam sapientiam nullam esse monstraret, & erranti, ac vago viam consequendæ immortalitatis ostenderet.*

Ad III. Quæ cum ita se habeant apparet sane tantum facultatis tribuendum esse rationi, quantum ipsa religio patitur. Enim vero ex eo quod Deus cuncta, quæ in sacris litteris docuit, minime humano ingenio accommodavit, non propterea præpostere egisse dicendum est, quandoquidem, ut ait Chrysostomus hom: 44. in c. 33. Mat. *Non sunt scripturæ clausæ, sed obscuræ quidem, ut cum labore inveniantur, non autem clausæ, ut nulla modo inveniantur*; sed dicendum ex eo, lumen à fide, auxiliumque à Deo esse petenda, quæ quidem si presto erunt, abstrusa quæque, & difficillima intelligemus; ut testatur Hieronymus, qui verba illa psalmi explanans: *Revela oculos meos, & considerabo mirabilia de lege tua*, inquit: *Si tantas Prophetæ tenebras ignorantie confitetur, quæ nos putes parvulos, & pene lactentes in seipitæ nocte circumdari? hoc autem velamen non solum in facie Moysis, sed & in Evangelistis, & Apostolis positum est. Turbis Salvator in parabolis loquebatur, contestans my-*  
G 3
sticum

ficum esse; quod dicebatur, aiebat. Qui aures habet audiendi, audiat. Nisi aperta fuerint uniuersa, quæ scripta sunt, ab eo, qui habet clauem David, qui aperit, & nemo claudit; claudit, & nemo aperit, nullo alio referante claudentur. Hec Hieronymus. Cui suffragatur item Augustinus l. 2. de doct. Christ. 4. Qui esse dixit in scripturis sanctis profunda mysteria, quæ ad hoc absconduntur, ne vilescant; ad hoc queruntur, ut exerceant; ad hoc aperiuntur, ut pascant. Ex quibus meridie clarius apparet, quam ob causam noluerit Deus omnes scripturæ textus captui nostro accomodare; scilicet non ut mysteriis assensionem nostram minime præberemus, sed ut peteremus ab eo Spiritum intelligentiæ, qui spiritu suo replevit orbem terrarum. Quare quæ institutæ sunt litteræ divinæ ad præscribenda præcepta, claræ item sunt: quæ vero mysteria comprehendunt, nisi ille spiritus explicet, qui scripsit, ut ferme loquitur Basilius, certe intelligi non queant. Neque enim data est unicuique manifestatio Spiritus ad utilitatem (ut & illa refellamus, quæ perperam sumpserunt ex Paulo) ita ut sint omnes Prophetæ, omnes Apostoli, omnes Doctores; sed ita fuit distributa, ut alteri competat sermo sapientiæ per spiritum, alteri sermo scientiæ, alteri genera linguarum &c. quoniam isthæc unus, idemque Spiritus operatur, *diuidens singulis prout vult*; Nihil est igitur cur dicamus tantum

tum inesse nobis luminis, ut interpretari, atque intelligere scripturas valeamus, si ex eo hominum numero fortasse sumus, quibus non dedit Deus, nisi in eodem spiritu fidem?

Ad IV. Quando autem ajunt religionem revelatam à naturali religione ductam fuisse, non secus ac à naturæ lege lex Decalogi originem duxit, non confirmant sane quod volunt, sed plane infirmant. Quemadmodum etenim omnem legis naturæ vim, cum homines nequaquam intelligerent, necesse fuit, ut Deus per mandata Decalogi, quid fugiendum, sequendumue esset, non indicaret modo, verum etiam indigaret: ita profecto, ut & quæ credenda essent, & quibus modis Numeri Divinum colendum, Deus ipse præscriberet, opus omnino fuit. *Omnis autem Scriptura*, ut 2. ad Tim. 3. loquitur Apostolus, *Divinitus inspirata utilis est ad docendum, ad arguendum, ad corripiendum, ad erudiendum in justitia, ut perfectus sit homo Dei ad omne opus bonum instructus*. Censemus igitur nihil à fide doceri posse, quod rectæ rationi opponatur, sicut à Decalogi lege nihil pænitus traditur, quod rectæ item rationis adversetur præscriptis: sed dicimus nobis necessarias esse regulas quasdam, quibus contineatur quodammodo recta ratio, & quas ultro, citroque neque religionem, neque rationem consistere posse noscamus. Experientia quippe compertum fuit veteres Philosophos, qui una

ratione nitebantur, multiplicem, pugnantemque tum de Deo, cum de honesto, ac turpi habuisse sententiam, quod expressit Cicero, cum in lib. de Nat. Deorum, agens de religione, scripsit: *Rem nullam esse, de qua tan-  
topere, non solum indocti, sed etiam docti, dis-  
sentiant*: Ac de honesto, & turpi, Cornelius Nepos inquit, *Non eadem omnibus esse bonesta, atque turpia, sed omnia Majorum institutis  
judicari*. Quare Paulus nihil aliud suadere voluit, cum dixit, habere nos scriptam legem in cordibus nostris, nisi quod in extremo die perire debeant illi sine lege, *Qui sine lege peccaverunt &c.* Quin etiam ex eo, quod docet Apostolus, qui in lege peccant per legem esse damnandos, ostendit siquidem scriptę legis necessitatem, ut homines viam cognoscerent, cui sese tuto darent, quoniam ipse falsus est, *Non cognovisse peccatum, nisi per legem*. Sicut autem lex ferre fuit opus ad hominis naturam moderandam, perficiendamque, ita ajo summopere necessariam esse religionem ad cohibendum hominis consilium, atque absolvendum. Quod nempe humana intelligentia nullis obstricta religionis vinculis, eo hominem duceret, quo maxime cavendum est, ne ducatur. Hęc sunt, quę de usu rationis in Theologia dicere habui, talia quidem ut si non erudita, & perpolito stylo exharata, vera tamen (aut ego fallor turpissime) & non fuco, ac calamistris inusta videantur. Vale.

Vir



Vir suavissime, & eloquentissime, meque ut  
amas, ama.

## LAUS DEO.

### ERRATA

### CORRIGE.

Pag. 14. vers. 1. sequan-	sequuntur	sequuntur
16. 24. annis	annos	
17. 10. linguæ	linguæ	
21. Polyglotas	Poliglottas	
26. 24. Manethos	Maneton	
28. & alibi hysto-	historiam	
riam		
31. Phaleræus	Phalereus	
32. 8: 15. & alibi fæde-	fæderis	
ris		
22. fatamur	fateamur	
42. 5. crescat	crescas	
43. 29. Chanaam	Chanaan	
47. 16. molto	multo	
49. 21. giarys	gyaris	
52. 14. in pimis	in primis	

	<u>28.</u>	Judeorum	Judæorum
53.	10.	Stefanus	Stephanus
	<u>17.</u>	Crisostomus	Chrysostomus
55.	11.	delerique	delerique
56.	<u>18.</u>	queve	quæve
57.	<u>26.</u>	cætu	cætu
		rrahere	trahere
<u>59.</u>	5.	que	quæ
	19.	Cirillus	Cyrillus
<u>61.</u>	<u>7.</u>	Etnici	Ethnici
<u>64.</u>	<u>21.</u>	Calibi Pirrho- niæ sohola	Pyrrhoniæ Scholæ
<u>72.</u>	17.	decipi	decipi
	18.	præclaræ	præclare
74.	2.	prestantiaque	præstantiaque
<u>79.</u>	<u>30.</u>	nostrarum	nostrorum

Aliaque contra scribendi scientiam, quæ, oculorum aciem effugientes, irrepserunt, quæque sapienti lectori minime officient.

107

Nos Fr. VINCENTIUS DE COMITIBUS  
*a Bergamo Artium, & Sac. Theologiae Do-  
 ctor, S. Romanae Vener. Inquisitionis Consul,  
 in Romanae Sapiencia Publicus Theolo-  
 gus, ac Totius Seraphici Ordinis Mi-  
 nor. Conventual. post S. Patriar-  
 cham Franciscum Min. Gen.*  
 LXXXIII.

Cum Opus, cui titulus est = *Epistole duae  
 de Pentateuchon Divinitus dato, & De usu  
 rationis in Theologia* à P. M. Francisco Maria  
 Leoni compositum; unacum duabus Epistolis  
 P. Magistri Francisci Antonii Gervasii, duo  
 ex Ordine Nostro Theologi de mandato no-  
 stro examinaverint, & in lucem edi posse pro-  
 baverint, facultatem facimus, ut typis man-  
 detur, si iis, ad quos spectat, ita videbitur.  
 In quorum &c.

Datum Romae die 18. Aprilis 1736.

*F. Vincentius de Comitibus Min. Gen.*

Loco ✠ Sigilli.

Fr. Bonaventura Pompei P. Secr. Ord.


† A a b c d e f g h i j k l

m n o p q r s t u v x y z  
 &

Vocali a e i o u

Ab eb ib ~~ab~~ ub

1	2	3	4	5	6	7	8	9	10
2	4	6	8	10	12	14	16	18	20
3	6	9	12	15	18	21	24	27	30
4	8	12	16	20	24	28	32	36	40
5	10	15	20	25	30	35	40	45	50
6	12	18	24	30	36	42	48	54	60
7	14	21	28	35	42	49	56	63	70
8	16	24	32	40	48	56	64	72	80
9	18	27	36	45	54	63	72	81	90
10	20	30	40	50	60	70	80	90	100



Sotofra 29 April<sup>111</sup><sub>18</sub>

